


67


50



THEOLOGIA.

N.


528




311296 - 311298

I St. Drukd

34. VII. 87.





ASSERTIONES THEOLO-
GICÆ
De
TRINO ET VNO DEO,
Adversus novos Samo-
fatenicos.

EX PRÆLECTIONIBVS
Collegii Posnaniensis excerpta.

Vnà cum animadversionibus FAUSTI
SOCINI SENENSIS. Quæ plenæ re-
sponſionis loco esse possunt.

EDITIO TERTIA.

RACOVIAE,
Typis Sebastiani Sternacii,
1618.

311287

I St. dr.

P
P
fi
d
to
d
n
n
a
n
n
in
a
c
P
ri
a
V
ft
tr
u
p
in
n
d
l
c

LECTORIPIO ET
CANDIDO S.

ETSI NOS nihil vehementius optamus,
quàm ut unius Dei, Christi que ejus ve-
rior notitia, quàm nos ipse Deus, ut alios non
paucos, in hac Ecclesiæ instauratione, pro
singulari sua benignitate instruxit, ad eju-
dem Dei gloriam, humanique generis salu-
tem amplificandam, quàm latissimè diffun-
datur quodammodo, & propagetur: tamen,
ne fortè ambitiosi hac in re esse videamur,
nevé conatum & factum nostrum quisquã
aliter, atque par est, interpretetur, a scriptio-
nibus, quantum possumus, abstinemus, nec
nisi provocati certamen cum adversariis in-
ire solemus, quamvis persuasissimum habe-
amus, quò crebriores de iis, quæ inter nos
controvertuntur, disputationes editis scri-
ptis institutæ fuerint, eò majores quoq; ve-
ritatis progressus futuros, eamque tandem
apud omnes sui studiosos planè obtenturã.
Verùm, cum provocati sumus, ne officio no-
stro prorsus deesse, divinæque veritatis pa-
trocinium deserere meritò videri possimus,
utque eadem operã, si ita res postulet, nos i-
psos cunctis purgemus, ad scribendum non
inviti accedim⁹. Cum igitur aliquot ab hinc
mensibus editæ fuerint Assertiones quædam
de trino & uno Deo ex prælectionibus col-
legii Posnaniensis excerptæ, in quibus nos
omnino petimur, falsæque doctrinæ, atque

adeò impietatis graviter accusamur, & novi
Samofatenici, contra quos nominatim illa
scriptæ sunt, per contemptum appellamur,
deliberatione priùs, iudicioque maturo ad-
hibito, visum est nobis in Asertionibus istis
diutius non connivere, sed paullo diligentius
in eas singulas inquirere, & quasi, scribendo,
animadvertere, Animadversionesq; nostras
unà cum ipsis Asertionibus, ut ab Adversariis
publicatæ sunt, optima fide recusis
edendas curare, unde facilè intelligi possit,
nos, doctrinamq; nostram immeritò tanto-
pere ab istis reprehendi atq; oppugnari, eos-
q; nec ad sententiam suam confirmandam,
nec ad nostrâ labefactandam quidquam firmi
aut solidi vel attulisse, vel etiam afferre
potuisse. Quamobrem te, quisquis es, candi-
de ac pie lector etiam atq; etiam rogamus,
& obsecramus, ut scriptionem hanc nostrâ,
cumq; Adversariis concertationem, tamquàm
propemodum necessariam agnoscere velis,
eamque, quod ad te attinet, cui exiguum la-
borem hunc nostrum dicamus, æqui boniq;
consulere. Ex qua si utilitatis nō nihil, ut spe-
ramus, perceperis, id omne DEO acceptum
referas. quo volente, melius atq; absolutius
aliquid in hoc eodem argumenti genere, si
ita opus fuerit, a nobis aliquando es habitu-
rus. VALE.

FAVSTVS SOCINVS nomine fratrum
in Polonia, de uno Sero Deo, unoq; Dei
Filio consentientium.

DE TRINO ET VNO DEO, adversus novos Samofatenicos.

ASSERTIO I.

MULTI quidem pestilentes errores, **1.**
 contra Fidem Trini & Vnius Dei,
 nostra ætate nati sunt: sed illa est
 maximè impia & blasphema secta, quæ Pau-
 li Samofateni Hæresim, jam pridem damna-
 tam ab inferis conatur excitare. Hæc enim **2.**
 cum Iudæis & Mahometanis, ita unum esse
 Deum confitetur, ut eum principium Filii
 ab omni æternitate neget extitisse. ^A & De- **3.**
 um Christi Patrem in sanctis literis ideò no-
 minari autumat, quod Dei virtute obum-
 brante, ex B. virgine sit conceptus: ^B cum **4.**
 ante eandem virginem re ipsa nusquam fue-
 rit, inquit. ^C Eundem filium Deum vocari **5.**
 censet eo modo, quo illi Dii vocati sunt, ad
 quos sermo Dei factus est. ^D Factum enim **6.**
 Deum & Dominum ait, quando post Resur-
 rectionem data est illi omnis potestas in cæ-
 lo & in terra. ^E Spiritus autem sancti nomi- **7.**
 ne in sacris literis nullam personam signifi-
 cari docet: sed nunc divinam potentiam,
 nunc eximium Dei donum hominibus da-
 tum. ^F Postremò dogma de Trino & uno **8.**
 Deo commentum Antichristi, ^G tempore

S. Iustini martyris inventum ^H asserit.

A *Simon Budneus in Demonstratione, quòd Christus non sit ipse Deus, qui est pater, fol: 6.* B *Ibidè fol: 3*
 C *Ministri Sarm: & Trans: lib: 2. de falsa & Vera u-*
nus Dei cognit: cap: 8. D *Budneus in Demonst: fol: 4.*
 E *Ibidem fol: 1, & 4.* F *Ministri in principio & sine*
cap: 4. lib: 2. G *Ministri cap: 2. lib: 1.* H *Budn: in*
præfat. Apol. ad Lectorem Polonicè.

ANIMADVERSIONES IN

Affertionem I.

1. Multi quidem) Immo contra fidem de u-
 no vero Deo nullus gravior in Christi Ecclesiam ab
 Antichristi spiritu error inuectus est, quàm in De-
 o, inq; illius simplicissima essentia plures esse perso-
 nas inter se distinctas, quarum qualibet sit verus
 Deus, & non patrem tantum domini nostri Iesu
 Christi esse illum unum verum Deum, sed Filium
 quoq; ipsum, & spiritum sanctum. quo nihil vel ab-
 surdus, vel (ut ita dicamus) impossibilis, vel divini
 oraculis magis contrarium excogitari potest.

2. Hæc enim cum) Iudeorum, & Mahome-
 tanorum error non in Dei Filii æternitate negan-
 da, sed in Iesu Nazarenopro Dei Filio unigenito &
 Christo minimè agnoscendo consistit, & consequen-
 ter in ejus disciplina tamquam unica salutis æternæ
 via nequaquam amplectenda. Cujus rei istas de Dei,
 ejusq; Filii, & spiritus sancti natura, sive essentia
 portentosas opiniones potissimum causam esse, aper-
 tius est, quàm ut demonstrari debeat.

3. Et Deum Christi) Quis verò negaverit,
 Christum

Christum Dei Filium (non autem, ut isti ineptè lo-
quuntur, Deum Christi patrem) in sanctis litteris
ideo nominari, quòd, Dei virtute obumbrante, ex
virgine sit conceptus, cum apud Lucam angelus Dei
hec verba ipsi virgini dixerit? Spiritus sanctus
superveniet in te, & virtus altissimi obum-
brabit tibi. ideoq; quod nascetur ex te fan-
ctum, vocabitur Filius Dei. Luc: 1. 35.

4. Cum ante eandem) Qui porro dubitave-
rit, quin Christus ante eandem virginem minimè
extiterit, cum post ipsam virginem & natam &
jam nubilem factam de ipso a Domini Angelo di-
ctum fuerit pastoribus: Natus est vobis HODIE Luc: 1. 27.
salvator, qui est Christus Dominus, in civi-
tate David, cum ex ipsa virgine is sit natus, cum 2. 11.
denique ipsa virgo ejus mater fuerit? Annon istud Mat: 1. 19, 18.
stultissimum illum Homericum Margitem imitari
esset, qui ambigebat, uter natus grandior esset, ipse,
an mater ipsus?

5. Eundem Filium) Eodem modo Iesus Naza-
renus, qui Dei filius est, Deus vocatur, quo illi, ad quos
sermo Dei factus est, quatenus dumtaxat non secus
ipse, atque illi, deus ab uno illo summoq; Deo est fa-
ctus & constitutus. Ceterum ratio, qua ipse Iesus
Deus factus, constitutusq; est, adeò prestantior atque
excellentior est, quàm illa fuit, quàm dii facti, ac cons-
tituti illi fuerunt, ut modi longè inter se diversi
censeri debeant. Si quis autem, hac verissima es-
se cognoscere velit, expendat diligenter, quæ Chri-
stus Judæis, ipsum, quòd, cum homo esset, Deum se fa-
ceret,

ceret, criminantibus, & blasphemare dicentibus respondit, Ioh: 10. 34.

6. Factum enim) De hoc infra videndum erit.

7. Spiritus autem) Nihil verius dici potuit.

8. Postremo dogma) De origine istius dogmatis non adeò sumus sollici. Nam, etiamsi ad ipsum mundi initium ea referenda esset, id ejus falsitatem evidentissimam nihil minuere posset.

ASSERTIO II.

1. **N**ec advertunt isti perquàm acuti novi Magistri, quòd ipsemet filius Dei, sub nomine sapientiæ, per Salomonem de se dixit: *Ab æterno ordinata sum, & ex antiquis antequam terra fieret.* ^I Est enim *Christus Dei virtus, & Dei sapientia*, teste Apostolo, ^K & cùm idem Apostolus Dominum nostrum proprium filium Dei appellat, ^L satis ostendit, non tam filium Dei appellari, quòd ex virgine conceptus sit, quàm quòd ex substantia Dei patris sit genitus ab æterno. Nam filius Dei proprius dici non potest, qui ex ejus substantia genitus non sit, sed & ipse Dominus dum ait: *Antequam Abraham fieret ego sum:* ^M satis apertè declarat, se ante virginem matrem & fuisse & esse, qui si tum primùm Dominus fuisset factus, cùm revixisset, certè ipso die Natalis Domini, angelus ad pastores locutus hæc non fuisset: ^N *Natus est vobis hodie salvator, qui est Christus Dominus.* Porrò idem verus noster Magister non obscurè docet Spiritum sanctum

Etum esse personam, cum ei ea quæ personæ sunt propria tribuit, ° & alium Paracletum nominat. P Iam vero Fidei Catholicæ de Trino & vno Deo antiquitas facillè demonstratur. 7.

1. Prov: 8. 23. K 1 Cor: 1. 24. L Rom: 8. 32. M Ioan: 8. 58. N Luc: 2. 11. O Ioan: 14. 26. P Ibidem 9: 16.

ANIMADVERSIONES IN

Affertionem I I.

I. Nec advertunt isti) Quinimmo ipsi non animadvertunt, sapientiam illam, de qua loquitur Salomon, numquam Dei sapientiam ab ipso appellari, sed Sapientiam simpliciter, Christum verò a Paulo non simpliciter Sapientiam, sed Dei sapientiam vocari. Ait quidem Salomon, Dominum sive Iehovam possedisse sapientiam initio via suæ id, est sapienter omnia & decrevisse, & fecisse: sed non propterea de aliqua sapientia loquitur, quæ Dei propria sit. nam per eandem illam sapientiam & reges regnare, & principes iustitiam decernere, ante dixerat. Et sanè, si quis non videret, Salomonem per prosopopœiam de sapientia in genere, & in abstracto loqui, quæ nullo modo Christus esse potest, is per multa, quæ in eo cap: & seq: scripta sunt, parùm attentè legit. Iam verò Christus Dei sapientia dictus est a Paulo, quia per Christum potissimum, & in Christo Deus suam sapientiam prodit. quemadmodum Evangelium, ab eodem Dei virtus dictum fuit, quia Deus in illo potissimum, & per illud virtutem suam manifestam facit.

1. Cor: 1. 24.

Prov: 8. 22.

¶ 15.

Rom: 1. 16.

A 5

2. Et

Heb: 1. 5.

Pfal: 2. 7.

Act: 13. 33.

Heb: 5. 5.

2. Et cum idem Apostolus) *Vocat idem Apostolus Christum proprium Dei filium omnino propter alias causas, quam propterea quia ex substantia Dei patris sit genitus ab aeterno. idq; cum ex aliis multis, tum ex eo constat, quod in epist: ad Hebr. ubi de hac propria Christi (ut ita loquamur) ex Deo filiatione agitur, ea ex eo loco potissimum probatur, Filius meus es tu, ego hodie genui te. qui tamen locus alibi a Paulo ad Christi resurrectionem refertur. Et in eadem epistola ad Heb. ad ipsius Christi sempiternum sacerdotium, ad quod Deus illum vocavit, idem locus accommodatur. Atqui, antequam is ex virgine nasceretur, & homo esset, re ipsa ad ejusmodi munus, quod sine humana natura consistere nequit, vocari non potuit, tantum abest, ut id ab aeterno factum fuerit.*

3. Nam filius Dei) *Cur verò? Nonne quia sic videmus in animalibus contingere? Quasi verò Deus ea ratione, quâ animalia generant, & ipse generet, aut generare possit. Quod si argumentum in hac filiorum materia ab animalibus ad Deum valeret, sequeretur, omnes Dei filios ex ejus substantia generatos esse. Nullus est enim inter animantia filius, qui ex patris substantia generatus non sit. & tamen multi sunt Dei filii, & quidem ex eo nati, & ab ipso generati, qui tamen nullo modo ex ejus substantia geniti fuerunt. quemadmodum ex his testimoniis apparet, Ioh: 1. 13. Iac: 1. 18. 1. Ioh: 3. 9, 10. & alii ejusmodi compluribus.*

4. Sed & ipse) *Ad hunc modum e Græco lo-*

cus iste converti debet, Amen, amen dico vobis an-
 tequam Abraham fiat, ego sum. Nam, cum nullum
 verbum nec antecedit, nec sequatur, quod presen-
 tis temporis non sit, non dubium est, quin verbum
γὲνέσθαι significationem presentis temporis in fu-
 turum respicientis habeat, & non quidem Fieret,
 sed Fiat omnino reddi debeat. Non erat autem ad-
 huc factus Abraham, (quod nomen Patrem multitu-
 dinis, id est multarum gentium, significat) quia non
 dum ad Gentes Dei regnum, & Evangelium trans-
 latum fuerat, per quod gentes multae crediderunt,
 & ita filii viri illius sunt facti, *ἰ* verò tum demum
 Abraham, id est pater multarum gētium factus est.
 Verba autem illa, ego sum, perfectam ipsa per se
 sententiam continent. id est, sine ullo ex *ἰ* verbis,
 quae ibidem expressa sunt, licet aliquid in ipsis sub-
 audiri necesse sit. idemq; significant, quod supra eo-
 dem cap. v. 24, 28, & infra cap. 13. 19. Nec enim ver-
 ba illa, antequam, & c. cum verbo sum, quod se-
 quitur, sed cum verbo dico, quod praecedit, conjun-
 gi debent. Similes autem sunt loci Iohan: 13. 19. &
 14. 29. Itaque sic Christi verba intelligenda sunt, ut
 idem sit, ac si scriptum esset, Amen, amen dico vobis
 antequam Abraham fiat, quod ego sum. Quorum
 verborum sententia ex *ἰ*, quae dicta fuerunt, uni-
 cuique constare potest. Monet nimirum non obscure
 dominus Iesus Iudaeos illos, ut, antequam ab ipsis Dei
 regnum auferatur, & ad Gentes transferatur, cre-
 dant, se esse Christum, atque, ut alibi dixit, credant
 in lucem, dum lucem habent.

Ioh: 8. 56

Gen: 17. 8.

Rom: 4. 15.
16, 17.

Ioh: 12. 36.

s. Qui

5. Qui si cum primùm) *Aut volunt, verba illa angeli ad pastores de Iesu dicta esse (ut ipsi loquuntur) secundum divinam naturam tantum, aut secundum humanam tantum, aut secundum utramque. Si secundum divinam tantum, primùm sibi ipsis adversabuntur, qui infra Assertionem 23. ejusmodi de Iesu testimonia ad humanam naturam referant. Deinde hoc nihil ad rem faciet, cum hic queratur, quando Iesus Dominus factus fuerit, quod in divinam naturam non cadit. idq; ipsi quoque satis fatentur, cum eadem Assertionem 23. de ipso sic loquuntur, Alioqui quatenus Deus, semper erat Dominus omnium. Sin secundum humanam tantum, quomodo Dominus revera esse poterat is, qui nemini adhuc dominabatur, sed tunc primùm natus, in præsepi fasciis involutus jacebat, cuiq; paullo post propter illos, qui animam ipsius querebant, in Ægyptum fugiendum fuit? Quod si secundum utramque, id est, quia secundum divinam naturam verè Dominus jam erat, idcirco secundum naturam quoque humanam, quatenus individue nature divine erat conjuncta, eum Dominum meritò dictum fuisse velint, ratiocinationem istam ex eo ineptam esse apparet, quòd, ut theologi omnes fatentur, & res ipsa testatur, multa secundum humanam naturam ante resurrectionem Iesus minimè habuisse dici potest, que tamen, ut divina natura perpetuò habeat, necesse est. ut incompatibilitatem, ut immortalitatem, ut celestem omnibusq; numeris absolutam gloriam. Ceterùm, quomodo angeli verba explicanda sint, disputabitur infra Assertionem 23.*

Luc: 2. 7.

Mat: 2. 23.

6. Porrò idem verus) *Sapissimè apud sacros scriptores non paucis rebus ea tribuuntur, quæ personarum sunt propria, nec tamen ea res sunt persone. ut peccato, ut legi, quodq; huc maximè pertinet, ut spiritui, id est vento, ut scripturæ, ut denique charitati. de qua attentè legantur, quæ scribit Paulus 1 ad Corinth: 13. nec sanè mirabitur quisquam, spiritui sancto in sacris litteris multa tribui, quæ personæ tantum propriè convenient, nec tamen eum esse personam. Nam, quòd nullo modo sit persona, id evidentissimè cum rationibus, tum divinis testimoniis demonstrari potest, quæ hoc loco proferre non est necesse.*

Rom:7.11.3.
19.
Ioh:3.8.
Gal:3.8.

7. Iam verò fidei) *De hoc statim videbimus.*

ASSERTIO III.

NAM ut omnes Catholicæ fidei Articuli sunt antiqui: Q sic is, qui Vnius quidem Dei essentiâ live naturâ, Trini autem personis mysterium aperit, ita est antiquus ut omnibus fidelibus qui Deo placébant, R esset, quantum sat erat, notus: quam quidem fidem prisca illi Patriarchæ cum posteris semper ad ætatem usq; nostram coluerunt, S colentq; deinceps veri Christi fideles, (in quibus non erit Deus recens) T usq; ad consummationem sæculi. V Eandem antiquam salutaremque Fidem Abrahamus pater & verbis & factis constanter professusest: cum Deum Christianorum, sub personis trium Angelorum, Trinum & Vnum Deum representan-

L
2.
3

tantibus alacris excepit: X quando tres vidit, & unum adoravit: Y qui & communiter & sigillatim Iehovah sapius nominatur. Z

Q² Cor: 4. 13. R Heb: 11. 6. S Ibidem T P sal: 80. 10. V Mat: 28. 20. X Genes: 18. 1. Y Orig: Ang: Hilar. Z G: 1. 13. 33. S 10. 14.

ANIMADVERSIONES IN
Assertionem III.

1. Nam ut omnes) *Hæcine est illa demonstratio, quam isti polliciti fuerant? Nam quid hoc est aliud, quàm principium (quod dicitur) potere? Proben prius, fidei articulum esse, quòd Deus sit unus essentiâ, sive naturâ, trinus autem personis, & tum demum ex eo demonstrant, fidem de uno & trino Deo esse antiquam.*

2. Quam quidem fidem) *Immo iste Deus trinus nulli antiquorum, qui verum Deum coluerint, nulli item eorum, qui verum Deum per Christum agnoverint, aut agnitori sint, cognitus vel fuit, vel futurus est umquam. Itaque non qui illum respuunt, sed qui amplectuntur, ii non recentem modò, sed planè imaginarium Deum habent.*

3. Eandem antiquam) *Quidvis aliud potiùs cogitabat Abrahamus, cum numero singulari tres illos viros, sive angelos ab initio compellavit, quàm Deum trinum & unum. sed idcirco sic locutus est, vel quòd unum reliquit duobus, ut in legationibus ferè fit, antecellere apparebat, vel quòd tanquam unus propter muneris conjunctionem censerì poterant. Lotus quoque ex iisdem tribus duos, cum tamen nihil*

Gen: 18. 3.

Gen: 19. 15, 19

nihil de tertio nosset, numero singulari alloquutus est. Nectamen, ut nos pro ipsis tacite fecimus, ratiocinantur isti, cum de compellatione nihil dicant. Sed inquirunt, tres vidit, & unum adoravit. quæ verba per se, a quocumque tandem primùm dicta fuerint, reprehensionibus, aut certè cavillis sunt valde obnoxia. Nam neque ullo modo unum tantùm adoratum fuisse ab Abrahamo constat, & si constaret, hoc ad eorum commentum penitus destruendum valeret. Ex eo enim appareret, unum tantùm ex illis tribus adorari debuisse, & idcirco reliquos duos non fuisse adorandos, nec porrò tribus illis angelis tres in Deo personas, quarum qualibet (ut ipsi volunt) adorari debeat, representatas fuisse. Nam quòd dicere videntur, unumquemque ex illis angelis Iehovam sæpius nominari, id & falsum est, nec testimoniũ, quæ attulerunt, ut quilibet videre potest, ulla ratione probatur; ac præterea, etiamsi verum esset, nihil ad rem faceret. Id enim idcirco fieri potuisset, quòd quilibet eorum a Iehova missus esset. Missus enim mittentis nomine in ipsis divinis litteris appellari solere, vulgatius est, quàm ut exemplis confirmari debeat.

ASSERTIO IIII.

HANC fidem fideles Patriarchæ posteris suis divinis Prophetis quasi per manus tradiderunt: ^a ut vel ex uno Isaia colligitur: qui passim Trinum & Vnum Deum, & incarnationem filii Dei prædicat: tum in aliis locis, ^b tum quando filium Dei sic facit loquentem:

1.

2.

tem: ^c Dominus Deus misit me, & spiritus ejus: & sequitur: Hæc dicit Dominus redemptor tuus, sanctus Israel: quæ quidem verba esse Christi, ea, quæ proximè antecesserunt, sunt argumento. Hoc tamen libenter fatemur, hæc fidei

3. Catholicæ admiranda sacramenta paucis fuisse apertè nota, ^d tantisper dum veniret Lux illa, quæ illuminat omnem hominem venientem in hunc mundum. ^e

^a Deut: 32. 7. ^b Isa: 6. 3. Isa: 7. 14. ^c Isa: 48. 16, 17. ^d Colof: 1. 26. ^e Ioan: 1. 9.

ANIMADVERSIONES IN
Assertionem IIII.

I, Hanc fidem fideles) Mere nugæ. quidem hic Deut: locus, quem isti citant, pertinet, cap: 32. 7. Namq; in eo nihil prorsus ista de re dicitur, sed tantum de beneficiis est sermo, quibus Iehova Israelis populum affecerat.

1. Ut vel ex uno) Miramur tantam confidentiam, cum nusquam apud Esaiam ne umbra quidem istius trinitatis in uno Deo apparet. Nam quod cap: 6. in acclamatione illa Seraphim ter sanctus vocatur Iehova, id non triplicitatem personarum, sed sanctitatis potiùs perfectionem in eo significat, vel ejus sanctitatis constantem asseverationem, & predicationem ostendit. Vide Ezech: 21. 27. Ter autem in acclamationibus, seu compellationibus aliquid repeti solere sine ulla ejus rei, ad quam illa pertinet, vel referuntur, triplicitatis significatione, & vulgarrissimum est, & apud ipsos prophetas hi loci demonstrant.

strant. Hierem: 7. 4. & 22. 29. Locus porro apud eundem Esaiam cap: 7. 14. nihil de filii Dei incarnatione habet, quam nullã sacra scriptura novit, sed vaticinationem conceptionis filii Dei in virginis utero, ejusdemq; filii ortum, seu nativitatem continet, que incarnationem istam planè commenticiam esse docent, eamq; penitus excludunt. Postremò locus cap: 48. 16, 17. ejus contrarium probat, quod isti quaerunt. Nam, etiamsi illis concedatur, ibi a propheta (de Christi scilicet adventu vaticinante, quodq; olim futurum erat, ob oculos ponente) sub persona sua filium Dei loquentem induci: nihil tamen inde elicitur, nisi commemoratio Dei, spiritusq; ejus, & filii Dei, id est Christi. Quis autem est, qui vel unum aliquem ex istis tribus neget, vel eos simul in nobis erudiendù, inq; salute nostra ad exitum perducenda conjungi non fateatur, de quibus rebus eo in loco agitur? Verùm interea Iehova Deus ibidem manifestè a Christo distinguitur, id est mittens a misso, ex quo apparet, Christum non esse Iehovam Deum.

3. Hoc tamen libenter) Tempus erit, cum id quoque fatebuntur, ista non admiranda Catholicae fidei sacramenta, sed ridicula humanae curiositatis inventa esse.

ASSERTIO V.

QUARE & Christus Dominus, & ejus lectissimi Apostoli apertiùs, quàm in veteri lege mysterium S. Trinitatis docuerunt, & quanquam, quemadmodum ex uno loco scripturæ sacræ, septem esse Sacramenta non

B

con-

constat: ita nulla quidem scriptura docet a-
 pertè, tres esse divinas personas, & unam es-
 sentiam: tamen cum sint aperta (ut ex con-
 sequentibus intelligitur) literarum divina-
 rum testimonia, in quibus & Christum Do-
 minum, & Spiritum S. verum Deum esse do-
 cemur, patremque verum Deum esse conce-
 dant adversarii, ac Deum esse unum libenter
 dunt nobis, iidem Patrem, Filium, Spiritum-
 que sanctum, unum Deum esse natura, sed
 distinctum tribus personis, vel inviti fatean-
 tur necesse est.

ANIMADVERSIONES IN
 Assertionem V.

1. Quare & Christus) *Sic isti somniant.*
2. Et quanquam,) *Dignum patellâ opercu-
 lum. Dignum nimirum exemplum re, que eo proba-
 ri debet. Nam certè, quemadmodum, septem esse sa-
 cramenta, nec uno, nec pluribus in locis sacra scri-
 ptura aut docet, aut innuit, sic, tres esse divinas per-
 sonas, & unam essentiam, nusquam ulla ratione in
 ea aut traditur, aut indicatur.*
3. Et Christum) *Hoc è extra propositam qua-
 sitionem est, cum de deitate (ut sic loquamur) non de
 dominatione queratur. Vide autem, quid de hoc ad-
 versariorum loco scripserimus infra Assertionem 23.
 numero 3.*
4. Et Spiritum S.) *Hoc planè falsum est.*
5. Patremque verum) *Non modò concedi-
 mus, verum etiam maximè contendimus, atque ur-
 gemus.*

gemus. Et addimus, Patrem esse illum verum Deum, τὸν ἀληθινὸν θεὸν, qui cum unus tantum sit, necesse est, Patrem tantum illum verum Deum esse.

A S S E R T I O VI.

NA m ipsa veritas apertissimam & invictam de Trino & Vno Deo doctrinam nobis tradidit hisce verbis: *Et ego, inquit, rogabo Patrem, & alium Paracletum dabit vobis: ut maneat vobiscum in eternum, spiritum veritatis, quem mundus non potest accipere: & paulò post: Paracletus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia quaecunque dixerò vobis: & consequenti capite: Cùm autem venerit Paracletus, quem ego mittam vobis à patre, spiritum veritatis, qui à Patre procedit. Huius generis est illud apud D. Matth: Baptizantes eos in nomine Patris, & Filii, & Spiritus S. Eandem Fidem professi sunt Apostoli: ut D. Paulus ad Corinth: Divisiones, inquit, gratiarum sunt, idem autem spiritus. Et divisiones ministracionum sunt, idem autem Dominus. Et divisiones operationum sunt, idem verò Deus, qui operatur omnia in omnibus. Simile quiddam legitur Eph: 4. de uno spiritu, uno Domino, & uno Deo. In his divinis oraculis distinctio quidem personarum est manifesta. Divinitas autem singularum personarum facile colligitur.*

f Ioan: 14. 16. g & 26. h Ioan: 15. 26. i Matth: 28. 19
k 1 Cor: 12. 4, 5, 6.

1.

2.

3.

4.

5.

1. Nam ipsa veritas) Hic quoque summam confidentiam miramur, cum in testimoniis, que citantur, nihil prorsus de uno & trino Deo ne suspicari quidem liceat.

2. Et ego inquit) Ex tribus hisce testimoniis nihil aliud colligitur, quam spiritum sanctum a Patre per Christum ipsius Christi discipulis missum, & datum fuisse. quod verissimum esse confitemur. Sed quid hoc ad Trinitatem istam personarum in uno Deo probandam? An non potius ex eo manifestum est, solum Patrem esse illum unum Deum, cum solus Pater commemoretur, a quo missio ista & datio, tanquam a prima causa, profisciscatur, ab uno autem illo Deo, tanquam a prima causa, omnia bona proficisci constet? Aut quis audivit unquam, unum illum Deum vel mitti, vel dari, aut esse, qui per eum aliquid vel mittat, vel det? Certè hæc cuilibet homini cordato summe ineptiæ, vel potius blasphemiæ videri debent.

3. Hujus generis est) Hic etiam Patris, & Filii, & spiritus sancti mentio quidem habetur, non tamen, tres istos in una Dei essentia esse, colligitur.

Mat: 28. 19.

1. Cor: 10. 2.

Quod enim in nomen omnium trium omnes gentes baptizare iubentur Apostoli, quod ad rem istam atinet, hoc nihil est. cum, in Mosem quoque Israelitas baptizatos fuisse, testetur Paulus; & sæpe ipsi homines mortales in operationibus, & actionibus, sive nostris erga Deum, sive Dei erga nos, cum ipso conjungantur.

jungantur. Vide Exo: 14. 31. Iudic: 7. 18. 1 Sam: 12. 18.

4. Eandem Fidem) Hæc duo Pauli testimonia omnino ejus contrarium demonstrant, ad quod probandum fuere allata, cum in utroque unus Deus ab uno Domino, & uno spiritu aperitissime distinguatur. Quod profectò perspicue ostendit, ad unius Dei essentiam nec Dominum illum, nec spiritum pertinere, aut certè Dominum illum, & spiritum, unum, τὸν μόνον θεὸν, non esse. Vbi etiam animadvertes, quòd, si ex locis istis probaretur, in Deo tres personas esse, illæ tres persone, unus Deus, unus Dominus, & unus spiritus essent. Itaque una ex illis tribus unius Dei personis, ipse unus Deus esset. quo nihil absurdius dici, aut cogitari potest.

5. In his divinis) Distinctio non personarum, sed rerum apparet. singularium autem divinitas, qualem hoc loco intelligere necesse est, nullo prorsus pacto colligitur.

ASSERTIO VII.

SIC Apostolorum perfecti discipuli disertis verbis S. Trinitatem professi sunt: ut S. Clemens, ¹ ut D. Dyonisius Areopagita ^m ut S. Ignatius Martyr ⁿ Ac Ignatius quidem, hoc divinum mysterium à S. Ioanne Evangelista fidelissimè didicerat: qui ut testis est D. Hieronymus ^o rogatus ab Asiæ Episcopis, adversus Cerinthi & Ebionis dogma confurgens, (quòd Christum Deum verum, esse negabat) suum scripsit Evangelium. Idcirco hisce verbis exorsus est: *In principio e-*

1.

2.

3.

4.

erat Verbum: & Verbum erat apud Deum: & Deum
 erat Verbum. His verò cōclufit: Hac autem scri-
 pta sunt, ut credatis, quia IESUS est Christus filius
 Dei, &c. 9

1 Epist: ad Iaco: fratrem Domini. in cap: 1. de div: nomi:
 n Epist: ad Phil: o In lib: de scrip: Eccl: p Ioan: 1. 1. qd:
 an: 20. in fine.

ANIMADVERSIONES IN
 Assertionem VII.

1. Sic Apostolorum) *Que, tamquam ab ipsi-
 tribus dicta, Clemente, Dionysio, & Ignatio asse-
 runtur, nibili estimanda sunt, cum, priorum duo-
 rum nomine que circumferuntur, scripta adulteri-
 na planè habeantur, tertii verò partim adulterina,
 partim admodum corrupta, & additamenti qui-
 busdam coinquinata, adeò ut eorum quoque in ipsi-
 fiat mentio, que non nisi post aliquot secula exite-
 runt. Quamquam non ita corrumpi potuerunt, quin
 adhuc in ipsis clarissimum testimonium extet, quod
 Christus non sit ille, qui est super omnia Deus, sed
 filius ipsius. id enim ad verbum scriptum est in ea e-
 pistola, que ad Tarsenses inscribitur. Et alibi non
 pauca leguntur, que doctrinam istam de Trinitate,
 quòd, s. Pater Filius & spiritus sanctus sint essenti-
 unus Deus, prorsus refutant. Nec verò in epistola ip-
 sã, quam citant isti, ad Philippenses quidquam de
 Trinitate ista legitur. sed tantum dicitur, non esse
 tres Patres, tres Filios, & tres Paracletos, sed unum
 Patrem, unum Filium, & unum Paracletum. Adde
 quòd ibidem locus ille (ut est in Latina interpreta-
 tione)*

tionem) Dominus Deus tuus, Deus unus est, ad Deum: 6: 4.
 Patrem tantum referatur. & inferius acriter reprehenduntur illi, qui putant, illum, qui est super omnia Deus, illum scilicet omnia potentem, ex virgine natum esse.

2. Ac Ignatius quidem) Fabule.

3 qui ut testis) Hieronymi testimonio, qui trecentis circiter annis post scriptum a Iohanne Evangelium extitit, nullo modo hac in re standum est. praesertim cum ejus quodammodo causa agatur. Adde quod eius auctoritati Eusebii Pamphili auctoritas anteponenda est, qui annis plus minus septuaginta ante ipsum floruit. Is autem aliam omnino causam ab ista, quam Hieronymus affert, sua scribenda historia Iohannem habuisse ait, que ex ipsa historia apparet, & aliorum praeterea scriptorum testimonio confirmatur. Quinetiam Hieronymus ipse, loco ab istis citato, ejus causae meminit, eamque pluribus verbis explicat. quam tamen multo latius ab Eusebio expositam fuisse invenies. Qui Eusebius scribit quidem, Iohannem a Christi divinitate exorsum esse, quasi illa sibi tractanda reservata fuisset, verum id ex sensu suo dicit, nec tamquam causam, quam Iohannes sui Evangelii scribendi habuerit, illud commemorat.

Hist: Eccles:
 lib. 3. cap: 18

4. Idcirco hisce verbis) Non ad istum modum profecto exorsus esset Iohannes, si illud, quod isti, dicunt, ei propositum fuisset. Apertissime enim tota de re scripsisset, non autem eo modo, ut saltem dubitandi non minor, quam antea occasio esset. Le-

gantur nostrorum istius universi loci explicatione,
& rem se ita habere constabit.

5. His verò conclusit) Nihil aptius ad istos
erroris convincendos concludere potuit Iohannes.
Nam, si Iesus est Christus filius Dei, Iesus autem non
ante Mariam matrem fuit, ob idq; æternus Deus
non est, sequitur omnino, Christum Dei Filium non
ante eandem Mariam fuisse, ob idq; æternum De-
um non esse. Præterea, si Iesus est Dei, seu D^{us}
Filius, certissimum esse debet, alium esse Deum, &
alium Iesum, & idcirco, Iesum esse Deum, seu tr^{o}
 $\text{D}^{\text{e}^{\text{u}}}$, nullo pacto posse.

ASSERTIO VIII.

1. Vnde impius error Mahometi in Paulo
2. Samosateno a plurimis Conciliis, præsertim
a Concilio Antioch: plurimorum Episco-
porum damnatus est, & postea in celeberrimis
duobus Conciliis, in Nicæno quidem
primo, contra Arrium, in Constantinopolitano
verò etiam primo, contra Macedonium,
Articulus Fidei de Trino & Vno Deo
magis ac magis tot tantorumque Patrum
summo consensu est confirmatus, & declaratus:
& deinceps semper à consequentibus
approbatus: nominatim verò recens à Con-
cil: Tridentino.

r Euseb: in hist: li: 7. cap: 22. & 23. ¶ in Tomo Concilii

ANIMADVERSIONES IN Assertionem VIII.

1. Vnde impius) Ita loquuntur isti, ac si Paulus

lus Samosatenus post Mahometem fuerit, cum ta-
men eum trecentis, & amplius annis antecesserit.
Iam verò nemo sane mētis, Mahometis de Iesu Na-
zarenò falsam opinionem, Pauli Samosateni senten-
tiam fuisse dixerit, cum Samosatenus, Iesum Naza-
renum, verum & unigenam Dei filium, & Domi-
num nostrum esse, agnoverit, eumq; adorandum esse
dixerit, ejusq; doctrinam perpetuam in Dei Eccle-
sia fore confessus fuerit, & alia non pauca de ipso
affirmaverit, que omnia Mahometes negavit.

2. à plurimis Conciliis) Divina veritas nec
ab ullis hominum Conciliis pendet, nec ab ipso orbe
universo, ne minima quidem ex parte, convelli um-
quam, aut labefactari poterit.

ASSERTIO IX.

QUI verò originem tam nefandi erroris
scire velit, is facta impiorum Iudeorū per-
pendat oportet, ex quibus facile in eam co-
gnitionem veniet, ut hujus blasphemix au-
tores eosdem esse non dubitet: qui filium
Dei, quòd Patrem suum dicebat Deum, æ-
qualem se facientem Deo, volebant interfi-
cere. ¹ Hujus autem turbidi & impuri fon-
tis Iudaici rivuli fædi fuere Cerinthus, ² E-
bion, ^x Sabellius, Paulus Samosatenus, Ar-
rius, & eorum similes alii. ^y

¹ Ioan: 5. 18. ² Epiph: lib: 1. hæres: 28. ^x Euseb: lib: 3.
hist: cap: 21. ^y Epiphanius lib: 2. hæres: 65.

B §.

ANIM-

ANIMADVERSIONES IN

Assertionem IX.

1. Qui verò originem) Si blasphemia est negare, Deum Christi patrem esse, & Christum Deum esse equalem, blasphemi certè sunt isti, qui Christum, ipsum Deum esse contendunt. Nam hac ratione nec Deus Christi pater, nec Christus Deo equalis erit. Nemo enim sui ipsius pater, nemo sibi ipsi equalis esse potest.

2. Hujus autem) Hujus purissime & lucidissima veritatis atque sententiæ, quòd Deus, sive essentia, sive personâ, unus sit, usq; Pater tantum Domini nostri Iesu Christi, ob eamq; rem Iesus Christus ille unus Deus esse nullo modo possit, perennis, inque limpidissimus fons est spiritus sanctus in sacris literis, eaq; divine aures particula, quam nobis Deus ipse ab ipso creationis initio indidit.

ASSERTIO X.

1. CONTRA, Fide Catholica & Orthodoxa universa Dei Ecclesia, ita unum Deum esse credit & profiterur, ut Vnitatem in Trinitate, & contrà Trinitatem in Vnitate veneretur.
2. Sunt namq; in una divina natura tres divinæ personæ: Pater, qui est à seipso: Filius, qui ante omnia secula ex solo Patre natus est.
3. ^A & Spiritus S. qui ab æterno ex Patre, Filioq; procedit. Quo fit, ut in confessione vere sempiternæq; Deitatis, & in essentia unitas, & in Trinitate adoretur æqualitas. ^B

^A Deut. 6. 4. Gene. 18. ut supra. A Symbolum Nicænum: B in Præfat. Ecclesia.

ANIMADVERSIONES IN

Affertionem X.

1. Contrà fide) Deum quidem unum esse, agnoscit universa Dei Ecclesia. sed ita ut unitatem in trinitate, & trinitatem in unitate veneretur, id vel nulla Dei Ecclesia, vel certè non quatenus est Dei Ecclesia, agnoscere ullo modo potest, cum istud humanum prorsus commentum sit, cui divina veritas omnibus modis aperitissimè refragatur.

2. Sunt nanque in) Egregia verò probatio, præsertim cum ad eam ex parte confirmandam Nicænum symbolum afferatur, quod ducentis circiter ac quinquaginta post Apostolorum Christi tempora annis compositum fuit. Nempe cum jam divina veritas, quæ ipsorum Apostolorum tempore nonnihil contaminari cœperat, magna ex parte, non paucis doctis piûq; viris frustra venientibus, sædata ac corrupta fuisset. Quamquam Nicænum symbolum nihil aliud habet, nisi, Iesum Christum Filium Dei unigenitum Patri ὁμοούσιον, id est consubstantialem esse, neq; ex nihilo extitisse, aut aliquando non fuisse. nihil interim de tribus divinis personis, quæ in una divina natura sint, statuens, aut pronuncians.

3. Quod fit ut) Quasi ista confessio Dei spiritum, & non hominum curiositatem auctorem haberit, eaq; in veris Dei Ecclesiis aut semper fuerit, aut esse debuerit.

ASERTIO XI.

I AM verò ut prima persona in divinis semper erat Deus: ita semper fuerit pater neces-

se

2. se est: C Sed scire oportet, hoc nomen Patris
 fecus Deo Patri tribui, ratione aeterni filii
 3. fecus ratione nostri. Ad primum genus re-
 fertur illud, *Filius meus es tu: ego hodie genui te*
 4. D De nobis autem illud intelligitur: Numquid
 5. non unus Pater omnium nostrum? E quod quo-
 modo intelligatur in sequentia verba docent
 Nunquid non Deus unus creavit nos? quod etiam
 6. Dominus insinuavit, cum dixit: F Ascendit
 Patrem meum, & Patrem vestrum.

C Psal: 2. 7. Proq: 8. 24. Mich: 5. 2. Heb: 13. 8. D Ps
 ut supra. E Mala: 2. 10. F Ioan: 20. 17.

ANIMADVERSIONES IN
 Assertionem XI.

1. Iam verò ut) Immo nihil prorsus vetat, quò-
 minus Deus sit, & tamen non sit Pater. illud enim
 natura est, hoc voluntatis.
 2. Sed scire oportet) Non negamus, ratione
 Iesu Christi Dei filii, qui ex muliere in tempore
 loquuntur) factus, & natus est, non autem alicuius
 aeterni Filii Dei, aliter ex parte dici Patrem De-
 um, aliter ratione nostri: sed tamen ejusdem filia-
 tionis in iis, quae maximi sunt momenti, nos quoque
 jam participes esse, vel aliquando fore affirmamus.
 3. Ad primum genus) Vel hinc apparet, Ie-
 sum, Dei Filium ex parte eaq; potiore & prestan-
 tiore, non alia ratione esse, quam nos filii Dei
 jam simus, vel futuri simus. Istud enim testimonium,
 ut ostendimus Assertionem 2. numero 2. ad Iesu re-
 surrectionem, & sempiternum sacerdotium refer-

tur. Iesumq; propterea a Deo generatum, eiusq; Filium esse testatur, quod immortalis factus, rex declaratus fuerit, Deiq; sacerdos in perpetuum constitutus. Atqui nos quoque, qui filii Dei sumus, nunc partim spe, partim re ipsa ista omnia aliquo modo jam habemus, & postea suo tempore, revera ac plenè ea consequemur, quemadmodum ex his locis liquidò apparet, Iob: 5. 24. 1 Cor: 15. 53. Apoc: 1. 6. & 5. 10. & 20. 6. & 22. 5.

4. Denobis autem) Locus iste, ut doctioribus placet, ad Deum non refertur. Vide, quid ibi annotavit Franciscus Vatablus.

5. quod quomodo) Si hoc verum est, ergo locus iste de quadam hominum divina filiatione loquitur, que per creationem contingit. Atqui creatio omnibus hominibus communis est. Ex quo sequitur, de divina filiatione quadam, que omnibus hominibus est communis, isto in loco agi. Verum quis non videt, cum divina Iesu Christi filiatio cum nostra confertur, non de ea filiatione nostra sermonem esse, que omnium hominum est communis, sed que aliorum, id est, in ipsum Iesum Christum credentium, est propria? Quis porro ignorat, homines, qui Dei filii in sanctis litteris vocantur, ob aliam causam, eamq; multò præstantiorem ita vocari, quàm quia a Deo fuerint creati? Nisi novam creationem intelligere velimus, de qua nec Malachias eo in loco verba Mal: 2. 10. facit, nec isti sine dubio intelligunt.

6. quod etiam) Quinimmo ex istis domini Iesu verbis apertè colligitur, Deum eadem ratione ipsius

Ioh. 20. 17.

psius Iesu patrem esse, quâ nostrum quoque est. *Statim addit*, Deum meum, & Deum vestrum. Nemo enim dixerit, Deum non earatione Domini Iesu Deum esse, quâ noster Deus est. Et cur (obsecro) ea verba dixit Christus, nisi ut suos consolaretur, & se ad suum & illorum communem patrem & Deum mox ascensurum illis significaret? Quare, quid quid de diversitate aliqua inter se, & illos in suis verbis indicasset, id planè inutile ei, quod agebat, fuisset. Nam quod Meum & Vestrum dixit, non autem Nostrum, id factum est, ut apertius, de quibusvis loqueretur, constaret.

ASSERTIO XII.

1. SECUNDA persona S. Trinitatis est verus & unigenitus ^G Filius Dei, æquè verus Deus ac Pater ejus, ^H quod cum multa divina oracula planum faciunt: tum illud planissimum, ^I In principio erat Verbum: & Verbum erat apud Deum: & Deus erat Verbum. & illud Thomæ: Dominus meus & Deus meus. ^K Hunc itaque Filium Dei mirandum in modum ex parte natum ante omnia sæcula, Deum de Deo, lumen de lumine, Deum verum de Deo vero genitum non factum, consubstantialem Patri: per quem omnia facta sunt, constantè credimus. L.

^G Iohan: 1. 18. ^I Iohan: 5. 20. ^H Ibidem. ^I Iohan: 1. 1.
^K Iohan: 20. 28. ^L Symb: Nican.

ANIMADVERSIONES IN
Assertionem XII.

1. Secunda persona) Iesus Nazarenus, quod

Christus dicitur, non autem secunda alicujus trinitati persona, verus & unigenitus Dei Filius est.

2. æquè verus Deus) Hic, etsi verus Deus, id est non fictus aut imaginarius, non tamen æquè verus Deus, ac pater ipsius est. Idq; vel ex eo constat, quòd ejus Pater Deus est ipsius, Ioh: 20. 17. Eph: 1. 17. Apoc: 3. 12. ipse verò sui Patrùs Deus non est. Nec tamen, Iesum Christum verum Deum esse, probat locus ille, 1 Ioh: 5. 20. Ibi enim præcipuus sermo est de Deo Patre ipsius, quem ait Iohannes esse illum verum Deum, τὸν ἀληθινὸν Θεόν, cujus notitiam ipsum Iesum Christum nobis dedisse affirmat. Quocirca verba illa, Hic est verus Deus, ὁ Θεὸς ἔστιν ὁ ἀληθινὸς Θεός, non ad Iesum Christum, sed ad Deum ipsius Patrem referenda sunt.

3. quod cum multa) Immo locus iste satùs indicare potest, Iesum Christum non esse æquè verum Deum, ac patrem ipsius. cum ejus pater ibi ὁ Θεός nominetur, id est ille unus Deus: ipse verò Θεός, id est Deus, simpliciter esse dicatur. Quamvis enim non rarò ille unus Deus Θεός, nullo præposito articulo, nominari soleat: tamen quia potest appellatio ista, præsertim cum non subjecti (ut loquimur) sed prædicati, quemadmodum hic fit, locum habet, aliis etiam præter unum illum Deum convenire, idcirco ad omnem dubitationem excludendam planè verisimile est, Iohannem, si, Iesum Christum unum illum Deum esse per omnia Patri æqualem, docere voluisset, non aliter, quàm τὸν Θεόν illum appellaturum

Ioh: 1. 12

fu-

ne est. Na
vestrum
ne Domi
r (obsecr
laretur, e
em & De
mare, quid
illos in sic
agebat, ju
non autem
quibus
est verus
eris De
divina o
plani illi
rbum era
lud Tho
ncita que
ex parte
Deo, lu
eo vero
alem Pa
nstante
Ioan: 1. 1
I N
nus, qu

fuisse, maximè cum jam ibidem Patrem τὸν θεὸν
 nominaſſet. nam ad personarum distinctionem ſan-
 erat, illum apud hunc fuiſſe, affirmasse. Præterea
 cum ὁ θεὸς unus tantum ſit, & de Ieſu Chriſto ſi-
 τὸν λόγον, ſeu Verbi appellatione dicatur, eum fuiſ-
 ſe apud τὸν θεὸν, quem ipſius patrem eſſe conſtat,
 nemo non videt, cum neceſſe ſit, ut alius ſit is, qui
 apud aliquem eſt, & alius is, apud quem ille eſt, Ie-
 ſum Chriſtum τὸν θεὸν, ſive illum unum Deum eſ-
 ſe non poſſe, ob eamq; rem æquè verum Deum, ac pa-
 trem ipſius, non eſſe.

4. & illud Thomæ) Iſte locus ſimiliter potius
 indicat, Ieſum Chriſtum, quamvis Deum, non ta-
 men ita Deum eſſe, ut ejus pater eſt. Apparet enim
 Thomam ex comperta reſurrectione ipſius Ieſu col-
 legiſſe, illum ſuum dominum, & Deum eſſe. At Ieſu
 reſurrectio nullo modo oſtendit, illum eſſe æternum
 ac ſummū omnium rerum dominum & Deum, qua-
 lis ejus pater eſt, immo contrarium demonſtrare po-
 teſt. Neque enim in ejuſmodi Deum ullam reſurre-
 ctionem, ſicut nec mortem, revera cadere, ſine impi-
 etate maxima vel ſuſpicari quidem licet. Oſten-
 dit tamen Ieſu reſurrectio, illum veraciſſimum eſſe,
 ideoq; Chriſtum Dei, vivorum & mortuorum judi-
 cem, vitæq; æternæ datorem ab ipſo Deo conſtitutum.
 Nam talem ſe eſſe, ipſe profeſſus fuerat. unde ſit, ut
 jure optimo dominus, & Deus noſter & ſit, & eſſe
 dicatur.

5. Hunc itaque) Iſti Nicanum ſymbolum am-
 plexi

1oh: 20. 23.

1oh: 4. 26.

5. 22.

17. 2.

plexi de Dei filio ista constanter credunt. Nos autem ipsius Dei filii, ejusq; Evangelistarum, & Apostolorum dicta secuti, eum Casare Augusto imperante natum esse, exq; muliere factum fuisse, & per sanctificationem Dei, & spiritus, perq; resurrectionem a mortuis Dei filium extitisse, & dominum ac Deum nostrum factum esse, nobis penitus persuademus, & firmissimè asseveramus.

Luc: 2. 1. &c.
Gal: 4. 4.
Ioh: 10. 36.
Rom: 1. 4.
Act: 2. 36.
Ioh: 20. 28.

ASSERTIO XIII.

TERTIA verò ejusdem sanctissimæ Trinitatis persona dicitur Spiritus S. ^M Nam etfi & filius, & pater est spiritus, & sanctus: (siquidem Deum Spiritum S. esse confitemur) ^{1.} ^{2.} ^{3.} N tamen cùm tertiæ divinæ personæ productioni proprium nomen non sit impositum, sed spiratio, & processio ^O appelletur, efficitur hinc, ut etiam persona proprio nomine careat: quo fit, ut rectè communi omnibus tribus personis vocabulo Spiritus S. nominetur.

M Mat: 28. 19. N Ioan: 4. 24. 1 Reg: 2. 2. O Ioa: 15. 26.

ANIMADVERSIONES IN

Assertionem XIII.

1. Tertia verò) Quid spiritus sanctus dicatur, supra Assertionem 1. numero 3. dictum est.

2. Nam etfi &) Nusquam de Filio hoc dicitur. Quinimmo ipse Apostolis suis dixit, Spiritus carnem, & ossa non habet, sicut videtis me habere. Nam, etiam si Deum, τὸν θεόν, spiritum appellatum fuisse concederemus, id tamen r:hil ad

Luc: 24. 39.

Filius pertinere, cum Filius non sit δ θ ϵ δ θ , nec magis quam a sacris scriptoribus eo nomine simpliciter appellatus fuerit. Iam verò locum illum Iohan: 4. 24. (ubi tamen nos in Greco codice, non Deum spiritum esse, sed Deum spiritum querere, dictum fuisse suspicamur) ad Patrem omnino referendum esse, antea verba aperte demonstrant. Ex quo patet, ut ex aliis infinitis, manifestum est, nihil aliud esse Deum, seu $\tau\omicron\upsilon\varsigma$ $\theta\epsilon\omicron\upsilon\varsigma$, quam Patrem.

3. tamen cum tertiæ) Si nomen Spirationis & Processionis proprium nomen tertiæ divinæ personæ productionis non est, igitur secundæ quoque est communis. Itaque utraque spiratio & processio est, potius spiratum quid & procedens. Quod vix illarum theologiam ferre posse crediderimus, quæ specificam (ut vocant) inter secundam, & tertiam personam differentiam statuere videtur, quòd secundæ gignatur, tertiæ verò spiretur. Quòd si tamen secundam ipsos utraque spiratur atque procedit, cur, quatenus a prima spirantur atque procedunt, una prima filius & est, & dicitur, altera verò minime, cum tamen utraque (ut iidem asseverant) eandem personam cum illa essentiam habeat, & propterea nullam ratione constare possit, cur magis secunda, quam tertiæ ex illius substantia generata, ob idque ejus filius esse dicatur?

ASSERTIO XIV.

1. EST autem Spiritus sanctus Deus, æquus ut Pater & Filius, æqualis utrique, ac ejusdem cum utroque naturæ. Cùm enim divinus spiritus

spiritus eas res gerat, quæ propriæ sunt Dei, Deus verus sit oportet: quales sunt eæ, quas Apostolus ad Corinth: commemorat. Sed Spiritum S. verum Deum esse, etiam idem Apostolus ad eosdem Corinth: scribens haud obscure docet: *Nescitû, inquit, quia templum Dei estis, & spiritus Dei habitat in vobis.* P & paulò post: *Templum enim Dei sanctum est, quod estis vos, & in eadem epistola: An nescitû, quoniam membra vestra templum sunt Spiritus S. qui in vobis est?* & paulò post: *Glorificate & portate Deum in corpore vestro.* Credere itaq; nos quoque oportet in Spiritum S. tanquam in verum Deum & Dominum vivificantem: qui cum patre & filio simul adoratur, & conglorificatur: qui locutus est per Prophetas. R

P I Cor: 3. 16. Q I Cor: 6. 19. R Symb: Nicæn.

ANIMADVERSIONES IN

Affertionem XIV.

1. Est autem Spiritus) *Hoc nec verbû, nec sententiâ usquam scriptum legitur.*

2: Cùm enim divinus) *Quid mirum est, spiritum sanctum eas res gerere, quæ propriæ sunt Dei, cum Dei virtus sit atque potentia, cumq; Dei operationes spiritus sancti nomine nuncupentur? Sed non propterea sequitur, ipsum esse Deum, nisi prius constet, ipsum esse personam quandam ab ipso Deo distinctam (quamquam hoc ipsum, ut ex iis etiam constat, quæ supra alibi attigimus, illum minimè Deum esse aperte ostenderet) cujus tamen rei contrarium*

ex iis, que modò diximus, clarè perspicitur. Neque enim alicujus personæ virtus, aut operatio personæ aliqua, præsertim alia ab ea, cujus virtus & operatio est, esse potest. Præterea non satù esset, spiritum sanctum personam esse ab ea, cujus spiritus est, distinctam. Scimus enim, iis personis, quamvis creatis, per quas Deus aliquid operatur, easdem illas operationes in divinis litteris passim attribui, licet eæ Deo sint propriae. Nam & ipsum servare, quod Dei omnino proprium est, mortalibus hominibus attributum legitur, aded ut servatores quoque nominentur. Vide Judic: 3. 9. 2 Reg: 13. 5. & Nehem: 9. 27.

Esa: 43. 11.
Osc: 3. 4.

2. Sed Spiritum sanctum) Deus in nobis habitare, seu manere dicitur, propterea quia de spiritu suo nobis dat, 1 Ioh: 3. 24. & 4. 13. Id quod etiam ex postremo testimoniorum, que isti citant, perspicuum est. Statim enim subjungit ibi Paulus, quem habetis a Deo. Vnde etiam fit, ut ipse spiritus Dei seu spiritus sanctus in nobis habitare dicatur. Verùm de spiritu sancto, quem isti sibi fingunt, id est de tertia illa persona essentia divina, nihil dari potest. Apparet autem, nullo modo in nobis idcirco dici habitare Deum, quia spiritus ipse Dei, quo præditi sumus, Deus sit, cum ipse ille Deus, cujus spiritus est, in nobis habitare dicatur. quemadmodum ex ipsis sacri verbi, que isti protulerunt, intelligi potest. Nam cum Paulus dixisset, Spiritus Dei, $\overline{\sigma} \theta \epsilon \delta$, habitabat in vobis, paullo post subjicit, Templum enim Dei, $\overline{\sigma} \theta \epsilon \delta$, sanctum est, quod estis vos. Itaque illius Dei, cujus spiritum in Corinthiis illis habitare dixit.

1. Cor: 6. 19.

1. Cor: 16. &
17.

dixer
4.
eus
in qu
videt
Deu
tum
accō
horta
quem
est N
audi
aute
stis i
Glor
tum
dimu
spiri
5.
tur.
que
cont
& c
ipsis
Apo
sanct
ritu
omn
serm
mi

dixerat, eosdem templū esse, non obscure affirmavit.

4. & paulò post) Græci codices, quibus Syriacus interpres astipulatur, non habent, Et portate, in quo verbo est, quiddid pro adversariis eo in loco videtur posse facere. Deinde ea verba, Et portate Deum in corpore vestro, nullo modo ad spiritum sanctum, quem Corinthii illi a Deo habebant, accommodari possunt. Quorsum enim attinisset illos hortari, ut eum spiritum portarent in corpore suo, quem jam haberent? Nam si Portare pro eo, quod est Ne abjicite, dictum fuisse velimus, si quidem subaudiatur Imprudenter, insolens planè id fuerit, sin autem Consultò, de rebus gravibus tantum & molestis id dici solet. Adde, quòd alterum illud verbum, Glorificate, satis demonstrat, ibi Dei nomine spiritum sanctum non intelligi. Nusquam enim (ut credimus) in sanctis litteris glorificari ab hominibus spiritus sanctus dicitur.

5. Credere itaque) Ad suas nugas revertuntur. Nuga enim meritò appellari possunt, quæcumque non præter sacras litteras tantum, sed etiam contra ipsas ab hominibus de rebus divinis scripta, & constituta sunt. Sciendum est autem, non modò in ipsis sacris litteris, sed ne in symbolo quidem, quod Apostolorum vocatur, aliquid de fide in spiritum sanctum dictum fuisse. Neque enim Credo in spiritum sanctum, sed Credo spiritum sanctū, omnino legendum in eo esse, præter alia multa, ipsa sermonis ratio aperte docet. Aliter enim in ea omnia, que consequuntur, & sic (ut alia omittamus)

1. Cor: 6. 20.

in ipsam carnis resurrectionem similiter credendum esse, decretum in eo fuisse, quo quid absurdum dici potest? Deum verò, aut Dominum spiritum sanctum esse, eumq; cum Patre, & Filio simul adorari, & glorificari, neque etiam in symbolo ipso Nicæno dictum est. Verùm ex Constantinopolitane Synodi decretis, quæ sexaginta circiter post annis congregata fuit, symbolo illi est additum. Nec tamen Deum, sed Dominum tantùm in additis illis verbis nominatum fuisse constat.

ASSERTIO XV.

1. PROCEDIT verò Spiritus s. à Patre Filioq; æterna processione, tanquam ab uno principio,
2. Unde in sacris literis, nunc spiritus Christi, T nunc spiritus Patris V appellatur.
3. & modò à Patre, X modò a filio Y mitti dicitur: & de eo, quod est filii, accipere legitur.
4. De meo, inquit Dominus, accipiet. Z ut vel huiusmodi phrasès Patri Filioque communes, cummuniter eum ab utroque procedere sint argumento: qua etiam in sententià omnes veteres Orthodoxi Græci Patres fuère. Ex quo efficitur, Græcos novos & Ruthenos, multum à priscis illis Patribus diffidere. Restat, ut adversariorum fundamenta expendamus: & quam sint infirma demonstremus.

S Ioan: 10. 30. Concil: Lugd: Flor: Symb: Athan: Cyrilli Nazia: Chrysof: Eccl: T Gal: 4. 6. V Matth: 10. 20. X Ioan: 14. 26. Y Ioan: 15. 26. Z Ioan: 16. 14.

ANIMADVERSIONES IN
Assertionem XV.

1. Procedit verò Spiritum sanctum a Patre,
& Filio aeterna processione, tamquam ab uno prin-
cipio, procedere, apud sacros scriptores nusquam le-
gitur. Nam & si dixit Christus, Ego & Pater u-
num sumus, quem locum ad id probandum isti af-
ferunt, tamen hoc nihil ad rem facit, cum ibi, ut ex
antecedentibus patet, non de alia unitate sit sermo,
quàm potestatis. Potestatem verò illam supremam,
propter quam illic unum cum Patre esse dicitur,
Christo, ut homini, atque in tempore, non autem ab
eterno datam re ipsa fuisse, complura sacra testimo-
nia evidentè demonstrant. hæc q̄ inter alia, Matth:

Ioh. 10. 30

2. Vnde in sacris) Non spiritus sanctus simpli-
citer, sed spiritus, quo Christi fideles a Deo donan-
tur, interdum spiritus Christi appellatur, eam potis-
simùm ob causam, quòd eodem spiritu Christus ipse
preditus fuit. Probatùr id satis apertè ex eo ipso lo-
co, quem isti afferunt, Gal. 4. 6. Vbi scriptũ est, Quo-
niam autem estis filii, misit Deus spiritum.
Filii sui, in corda vestra, clamantem Abba
pater. Quod sine dubio idem est, ac si dixisset, Quo-
niam Deus filios suos vos esse vult, idcirco eundem
spiritum vobis dedit, quem ipsius Filius primogeni-
tus habuit, qui q̄ ob eam causam filiationis spiritus
est. Opponit enim spiritum istum spiritui servitutis,
quem sub Lege Israelite acceperant. ut ex loco hu-

creden-
bsurdum
um san-
adorari,
Nicano
a Synodi
congre-
en De-
verbis-

Filioq̄
o prin-
spiritus
ellatur:
mitti di-
egitur:
vel hu-
nunes,
ere sint
omnes
e. Ex
henos,
re. Re-
expen-
remus.
n: Cyril
20. Xlo

ANIM

ic respondente constat, Rom: 8. 15. Nam & hic sub-
jungitur, Itaque jam non es servus, sed filius.

3. & modo à Patre) Non est dubium, quin à
Filio quoque mitti spiritus sanctus in sacris litteris
dicatur. Sed hoc ita intelligendum est, ut à Patre
acceptum mittat. quemadmodum ex eodem ipso tes-
timonio planum fit, quod isti afferunt, Ioan: 15. 26.
Vbi ait ipse Filius, Cum autem venerit para-
cletus, quem ego mittam a patre, spiritum
veritatis, qui a Patre procedit, ille testimo-
nium perhibebit de me. Mittit igitur Filius
quidem spiritum sanctum, sed a Patre, a quo (tam-
quam a fonte videlicet) procedit. & est Filius tam-
quam rivus, qui a fonte acceptam irrigandis agris
aquam suppediter, atq; transmittat. Et ne quis pu-
tet, hoc semper ita fuisse, aut ex ipsius Filii natura
pendere, audiat ipsum Filium ita dicentem, Et ego
rogabo patrem, & alium paraclerum dabit
vobis, &c. & Petrum, qui ad hunc modum hac de
re loquitur: Dexterà igitur Dei exaltatus (Je-
sus) & spiritus sancti promissione accepta a
Patre, effudit hunc, què (seu potius hoc, quod)
vos videtis, & auditis.

4. & de eo, quod) istud propterea verè dictum
est, quia potestatem suam & gloriam Pater cum Fi-
lio communicavit. ut meritò dici possit, quæcumque
Pater habet, ea Filii quoque esse. Itaq; ubi Christus
discipulis suis dixisset, spiritum illum veritatis de
suo accepturum, & illis annunciaturum, illico ad-
junxit, Omnia, quæcumq; habet Pater, mea
sunt.

Ioh: 14. 16.

Act: 2. 33.

Ioh: 16. 15.

funt.

& an

5.

loci, u

a solo

fifici

quam

eos, q

rivetu

Qu

cont

ment

viter

mùn

in sa

ptura

lum e

unum

quam

dent

In ve

ment

præd

hæc p

Filiu

scrip

& D

quid

appe

sunt. Propterea dixi, quia de meo accipiet, & annuntiabit vobis.

§. ut vel hujusmodi) Immo phrasæ istæ & loci, ubi illæ leguntur, ut dictum est, spiritum sanctū a solo Patre, tamquam a suo principio & fonte proficisci ostendunt, ita tamen, ut per Filium, tamquam per secundam causam, & rivum quendam in eos, qui in ipsum Filium credunt, eiꝯ obediunt, derivetur.

ASSERTIO XVI.

QUONIAM verò longum esset omnia, quæ contrā afferri solent ab adversariis, argumenta enumerare, potiora duntaxat hic breviter diluemus. Solent igitur objicere, **1.** primum quidem nomen Essentiæ Trinitatisq; in sanctis literis non extare, ac deinde scripturas ipsas palam testari, Christi patrem solum esse verum Deum: vel quod idem est, unum Deum, ex quo omnia. **2.** Præterea nusquam Tripersonatum Deum (sic enim audent blasphemare) in scripturis proponi. **3.** In veteri etiam Lege nullam fieri filii Dei mentionem, nisi quando Christus Dominus prædicatur, ex hominibus nasciturus. **4.** Ad hæc passim in literis sacris Christum vocari Filium hominis. **5.** Denique Acto. 2. apertè scriptum. Iesum factum esse à Deo Christū & Dominum: **6.** Spiritum verò s. in Actis quidem donum, Lucæ autem 24. Virtutem appellari. **7.** Atque hæc sunt ferè adversari-

orum argumenta. Ad quæ sic ordine respon-
demus.

*Nic: Paruta Thesi. 1. b 5. Thesi par. 3. c cap. 3. primi
lib. Ministro: Sarmatia. & Nic: Parur: Thesi 4. d. Mi-
nistri lib. 2. cap. 8. ante medium. e Simon Budur: in a-
pologia, f Idem sol: 3. Demonstrationis. g In principio
& sine cap: 4. lib: 2: Ministrorum.*

ANIMADVERSIONES IN
Assertionem XVI.

1. primùm quidem nomen) Hoc, tamquam
indicium quoddam falsitatis adversariorum senten-
tiæ, dictum aliquando a nostris fuit, nõ autem, quod
pro solido argumento ad eos refutandos id ducerent
2. ac deinde (scripturas) Hoc verò, tamquam
solidissimum veritatis fundamentum, quod num-
quam adversarii convellent, & tamquam precipu-
um falsitatis adversariorum sententiæ argumentum,
a nostris identidem assertur atque inculcatur.
3. præterea nusquam) An non potiùs isti bla-
sphemant, qui revera tripersonatum Deum indu-
cunt? Nam quid aliud est, Deum esse trinum in per-
sonis, sive in Deo tres esse personas, quàm Deum tri-
personatum esse? cur res ipsas non rejiciunt, si vana-
bula tantopere horrent?
4. In veteri etiam) Dicimus, in veteri Testa-
mento nullam fieri Filii Dei mentionem, qui iam
esset, aut fuisset, sed qui ex Abrahami posteris in Da-
vidis familia nasciturus, & homo futurus esset. Nec
aliter loquuntur nostri in eo ipso loco, quæ citant isti.
5. Ad hæc passim) Quis hoc possit negare?
6. Denique Acto: 2.) Hoc quoque an non ve-
rissimum est?

7. Spiritum verò) *Ne hoc quidem negare quinquam audebit.*

8. Atque hæc sunt) *Multa præterea alia eaq; firmissima argumenta habemus, etsi nostrum non sit aliquid probare, qui negamus, sed adversariorum probationes refellere, qui affirmant. Sed quomodo hæc pauca isti refutent, videamus.*

ASSERTIO XVII.

ET SI disputatio nostra non est instituta de verbis, sed de re ipsa: tamen quoniam verbosi verba consecrantur, voces quibus Catholica Ecclesia utitur, esse ex utroque Testamento collectas, sic demonstramus. Nam cum Exo: 3. ^h Deus vocetur, *qui est*, sive ut in Hebræo legitur, *qui erit*, perspicuè hinc verbum Essentia ducitur. Sic quoniam in Genesi ⁱ de Abrahamo hæc legimus, *Apparuerunt ei tres viri*, à tribus, qui Trinum & Vnum Deum repræsentabant, nomen S. Trinitatis est inventum. Eadem via & ratione ex Novo Testamento eadem nomina ducuntur: Essentia quidem in Apocal: ^k *Qui est, & qui erit, & qui venturus est*, Trinitatis autem ex eisdem Evangelistæ Epistola ^l *Tres sunt, inquit, qui testimonium dant in cælo.*

^h Exo: 3. 14. ⁱ Gen: 18. 2. ^k Apoc: 1. 8. 11 ^l Ioan: 5. 74

ANIMADVERSIONES IN
Assertionem XVII.

I. tamen quoniam) *De istis verè dici posse, quod verba consecratur, id inter cætera manifestam facit.*

facit, quod pauld ante observavimus. Nam blasphemare nostros dicunt, propterea quod nusquam tripersonatum Deum in scripturis proponi ajunt, nempe quia hac ratione Tripersonati Dei nomen enunciant, & tamen ipsi tripersonatum ipsum Deum revera inducunt, licet Tripersonati vocem disjunctim numquam proferant.

2. Nam cum) Etsi nec de verbo Essentie, nec de re ipsa multum contendimus, aut laboramus, tamen operapretium est considerare, quam graviter isti errent, qui, propterea quod Deus (quemadmodum ipsi ajunt) ut in Hebræo legitur, vocatur qui erit, perspicue verbum Essentie inde duci affirmant. Cum enim Essentia (presertim in hac questione nostra) aliquid, quod jam sit, vel significet, certe perpetuo indicet, quomodo ex verbo Erunt, quod omnino aliquid futurum significat, Essentie nomen duci poterit?

3. Sic quoniam) Ergo quia scriptum est, tres viros Abrahamo apparuisse, quia a Deo missi erant, licebit inde Trinitatis nomē colligere, idq; ad Deum ipsum, ejusq; essentiam accommodare; & quia ipsi dicunt, Deum personis trinum esse, non licebit sine blasphemia affirmare, ab ipsis tripersonatum Deum induci; Que iniquitas est, si hæc non est? Caterum non modò ad Trinitatis nomen, sed ad rem ipsam, que nomine isto significatur, nihil locum istum tribus viris Abrahamo conspectis pertinere posse, supra Assertionem 3. numero 3. satis demonstratum est.

4. Essentie quidem) Non potest locus iste ad prope-

propositum facere, cum nomine Ejus, qui est, & qui erat, & qui venturus est, apud Iohannem in eo libro Deus pater tantum significetur, ut ex salutatione patet, ubi Apostolus Deum patrem a septē illi spiritibus: & ab ipso Iesu Christo distinguens, non aliter illum nominat, quàm Eum, qui est, & qui venturus est.

Apoc. 1. 4.

5. Trinitatis autem) Praclarum verò testimonium. quod videlicet non solum planè controversum est, sed ab antiquioribus etiam cum Latinis, tum Graecis codicibus prorsus abest, quoddamque Syriacus interpres nullo modo agnoscit. Vide, quid theologi ipsi Iovanienses in novo Testamento, ab ipsis recognito, in locum istum annotaverint. Præterea, cum ex sequentibus pateat, verba illa, Et hi tres unum sūt, sine quibus testimonium nullius ponderis est, nihil aliud significare posse, quàm Idem omnino testantur, nec ulla ratione essentiae unitatem aliquam declarare, ridendi planè, sunt isti, qui ejusmodi testimonium ad Trinitatis nomen uni essentiae divinae accommodandum asserre non dubitaverint.

1. Joh: 5. 26.

ASSERTIO XVIII.

NON imus inficias hæc legi Ioan. 17. ^m Hac est autem vita aeterna, ut cognoscant te solum verum Deum. Sed additur, Et quem misisti Iesum Christum: quibus non excluduntur ea, quæ sunt de natura patris, (quemadmodum cum dicitur, solus homo, non excipitur anima ejus) Nam cum Pater & Filius & Spiritus s. sint eadem natura, fieri non potest, ut nominatis verbis sive Filius, sive Spiritus s. excludatur:

1.

2.

datur: sed falsi duntaxat Dii, ut præclare
 notarunt D. Cyrillus & D. Chrysoftomus.
 Atque hanc interpretationem esse ex medi
 scriptura depromptam testimonia utriusque
 legis planum faciunt. Sic enim legimus in
 Deuter: ⁿ Dominus solus Dux ejus fuit, & non
 rat cum eo Deus alienus: Sic ad Corinth: Aut ego
 solus & Barnabas non habemus potestatem, &c. V
 bi etfi solum dixit: tamen non exclusit Bar
 nabam.

m Ioan: 17. 3. n Deut: 32. 12. o 1 Cor: 9. 6.

ANIMADVERSIONES IN
 Assertionem XVIII.

1. quibus non excluduntur) Proximè an
 recedentia verba, sed additur, &c. per parenthe
 sim legenda sunt. quæ enim hic dicuntur, ad super
 ora tantùm pertinent. Dicimus autem, istos per
 argumentari. Nam etsi, cum dicitur, solum Patrem
 esse verum Deum, Patris nomine ea, quæ natura
 seu de natura Patris sunt, non excluduntur. non ta
 men Filius (ut de eo prius separatim agamus) non
 excluditur. Neque enim filius de natura Patris
 eo sensu, in quem verba ista, de natura, accipere
 loco necesse est. nisi forte, si vox Patris ita accipi
 enda sit, ac si expressè additum fuisset Tamquam pa
 tris. Quod si fiat, id nihil ad propositum faciet, cum
 in verbis istis, Pater est solus verus Deus, nullo modo
 subintelligendum sit Tamquam pater, sed potius
 inde censeretur, ac si dictum foret, Is, qui
 Pater, est solus verus Deus. Atque ob eam causam
 falsum
 sunt q
 Quidam
 qui P
 tamq
 possit
 cessio
 inter
 sancti
 natura
 Is, q
 tum
 est, h
 idcirco
 psu
 homo
 clude
 homin
 de nat
 erit a
 dixim
 tris t
 quip
 de na
 nam
 sui ar
 Respo
 dispu
 solere
 esse v
 falsum

falsum omnino erit, verbis istis ea non excludi, quæ
 sunt quidem de natura Patris, sed tamquam patris.
 Quod si dicat aliquis, Filium de natura illius esse,
 qui Pater est, non modò tamquam patris, sed etiam
 tamquam Dei, eò quòd Deus sine filio suo esse non
 possit. Dicimus, hoc planè falsum esse, in eoq; pro con-
 cesso sumendo principium peti. Nam de hoc quoque
 inter nos disputatur. Iam verò, quod ad spiritum
 sanctum attinet, concedi facile potest, eum esse de
 natura Patris, ut Dei, & propterea, cum dicitur,
 Is, qui est Pater, est solus verus Deus, spiritum san-
 ctum non excludi, id est, intelligi illum, qui Pater
 est, hoc est Deum, non sine suo spiritu. Verùm non
 idcirco ipse spiritus erit verus Deus. Exemplum i-
 psam sumamus, quod isti attulerunt. Si dico, Solus
 homo est animal rationale, certum est, me non ex-
 cludere animam ipsius hominis, quatenus scilicet
 hominem intelligo non sine ipsius anima. ea enim
 de natura ejus est. Sed non idcirco hominis anima
 erit animal rationale. Quæ autem de spiritu sancto
 diximus, eadem de Filio, etiam si de natura Pa-
 tris tamquam Dei esset, dicta volumus. Sed dicit
 quipiam, Filium, & spiritum sanctum non solùm
 de natura Patris tamquam Dei esse, sed etiam u-
 nam naturam cum Patre, idq; istos in assumptione
 sui argumenti, seu consequentiæ probatione dicere.
 Respondemus primùm, hoc illud ipsum esse, de quo
 disputatur, & locum istum idcirco a nostris afferri
 solere, ut appareat, nec filium, nec spiritum sanctum
 esse verum Deum, aequè ac Patrem, quod re ipsa i-
 dem

dem est, atque non esse eandem naturam cum Patre. Deinde dicimus, istos in consequentia probatione plus dixisse, quàm opus fuerat. Satis enim sufficit dicere, Filium, & spiritum sanctum esse de natura Patris, quemadmodum fuerat propositum. Aut certè ad hunc modum proponere oportebat, Quibus non excluduntur ea, quæ sunt eadem natura cum Patre. Quod ideo isti non fecerant, ne propositionis, ejusq; probationis ineptitudo quedam nimis aperta esset. Nam quid attinet dicere, non excludi ea, quæ sunt eadem natura, idvè, exemplo allato, probare, præsertim tali exemplo? Nec enim hominis anima eadem est natura cum ipso homine. Patet hoc ex definitione utriusq;: quæ enim definitio unius est, nūquam alterius esse poterit. Itaque id verum esse constat, quod ab initio diximus, istos pessimè argumentatos esse.

2. Sed falsi) Fatemur, omnino propter Gentium falsos deos verba illa a Domino Iesu dicta fuisse. Quis enim tunc temporis de istorum portentis, quibus due præterea personæ, seu subsistentia præter Patrem inducuntur, quarum utraque sit æternus Deus per omnia ipsi Patris æqualis, vel somniabat quidem? Dicimus tamen, ejusmodi esse Christi verba, ut iis non minùs portenta ista, quàm falsi illi dii excludantur. Etenim, cum necesse sit, solum verum Deum, τὸν μόνον ἀληθινὸν θεόν, unum tantum esse, uq; Pater esse dicatur, nec Filius autem, nec spiritus sanctus sit Pater, quis tam hebes est, quin videat, nec Filium, nec spiritum sanctum esse illum verum Deum?

3. Atque hanc) Ex media scriptura depromptum est, soli Iehovæ tribui aliquid ad deos alienos excludendos, non autem eos, qui cum ipso Iehova conjuncti sunt, atque ab eo pendent, per quos ipse aliquid operatur, quique ei sunt carissimi. Cujus rei utinam isti, ubi maximè opus est, meminisse vellent. non sanè ex Christo Iehovæ ipsum Iehovã facerent.

4. Sic ad Corinth.) Exemplum istud nihil ad rem facit, cum is, quem isti eo in loco non excludi ajunt, non solum apertè nominatus fuerit, sed etiam eadem prorsus verborum structurã comprehensus. ita ut non quidem non excludi, sed disertis verbis includi dicendus sit. Nam si dicant, hic quoque apertè nominatum fuisse Iesum Christum, & eadem verborum structurã disertè comprehensum (id quod superioribus illis verbis innuerant, sed additur, &c.) Respondemus, verbum quidem Cognoscant, non minùs ad Iesum Christum, quàm ad Patrem referri, & propterea vitam aeternam in utroque cognoscendo consistere: sed nihil tamen, quod ad verborum structuram attinet, ad Iesum Christum verba illa pertinere, solum verum Deum. Neque enim coherent illa omnino cum verbo Cognoscant, quasi dicere voluerit Christus, Ut cognoscant te, & quem misisti, Iesum Christum esse solum verum Deum. Sed verba illa, solum verum Deum, per appositionem legenda, & interpretanda sunt. ac si dictum fuisset, Ut cognoscant te, qui es solus verus Deus, & cognoscant, quem misisti, Iesum Christum. Est autem animadvertendum, istas duas interpre-

rationes & responſiones ad eundem locum attulisse, & ineptissime simul miscuisse, quamvis illas tamquam unam attulerint. Nam & quia Filius, & Spiritus sanctus sint eadem natura cum Patre, neutrum excludi volunt, & quia Filius nominatus deinde sit, ad ipsum quoque, quæ de Patre dicta sunt, pertinere contendunt. Neque tamen interim animadvertunt, posteriore interpretatione spiritum sanctum, cum ipse nominatus non sit, tacite excludi. Iam verò, quod ad locum istum Pauli attinet (ut alia non pauca omitteremus) præter ea, quæ dicta sunt, illud observandum est, in Græco haberi ἢ μὴ ἐγὼ καὶ Βαρναβᾶς, id est, Aut, vel Num solus ego & Barnabas, anteponi videlicet nomen Solus nomini Ego, cui nomen Barnabas per simplicem copulam statim coniungitur, ita ut possit utrumque pro uno nomine haberi, & nomen Solus ex ipsa Grammatica non minus ad Barnabam, quam ad Paulum pertinere.

ASSERTIO XIX.

Sic in eadem Epistola ^Pore quidem Apostolico dicitur: Nobis tamen unus Deus Pater, ex quo omnia: sed additur, Unus Dominus Iesus Christus, per quem omnia: Vbi sine dubio, vel sententiâ adversariorum à dominatione Christi non excluditur Pater. Quare si in cognitione Christi posita est vita æterna, si que per eundem Christum unicum Dominum nostrum facta sunt omnia, idem Iesus Christus sit verus Deus oportet. Et quemadmodum

2. Cor. 9, 6.

1.

2.

3.

4.

hic

hic à
nec s
pturi
collig
cludi
eodem
omnia
p r
A

1.
mè di
debea
re ipsa
modo
posito
erat, q
2.

Pater
tiones
cum i
num i
domin
Pater
ab ea
frequ
lius qu
tamen
no ac
ait ap

hic à Divinitate Filius non excluditur, ita
 nec Spiritus s., ut tum ex suprà allatis scri-
 pturis, tum ex hac, *¶ Dominus autem spiritus est,*
 colligitur: sed neque a danda nobis vita ex-
 cludi potest. Nam *spiritus vivificat,* ut habetur
 eodem capite: Neque enim sanctæ literæ om-
 nia ubique: sed varia variis in locis tradunt.

p 1 Cor: 8. 6. q 2 Cor: 3. 17.

ANIMADVERSIONES IN

Affertionem XIX.

1. sed additur) *Non ita additur, ut cum proxime dictis tamquam in unam sententiam conjungi debeat. Sed subiicitur tantum, ut id explicetur, quod re ipsa propositum fuerat, nos scilicet unum tantummodo Deum, & unum Dominum habere. nam, exposito, qui esset ille noster unus Deus, exponendum erat, qui noster ille Dominus esset.* 1. Cor. 5, 6

2. Vbi sine dubio) *Non excluditur quidem Pater a dominatione Christi, Verum non propter rationes aliquas extra ipsum locum petitas, sed quia, cum ibidem jam dictum fuerit, Patrem esse illum unum nostrum Deum, sequitur necessario, nullam esse dominationem, quam nos agnoscere debeamus, que a Patre non pendeat & proficiatur, tantum abest, ut ab ea ipse excludi possit. Nomen enim Deus eo loco, ut frequentissime fit, et si nomen ejusmodi est, quod alius quoque in ipsis sacris litteris tributum invenitur, tamen pro rerum primo auctore, & ex se ipso Domino ac moderatore accipitur, quem unum tantum esse ait apostolus, eumq; Patrem illum, quippe ex quo solo*

D 2

omniæ

omnia deriventur atque dependeant. At verum cum dicitur, nobis esse unum Dominum Iesum Christum, quia nomen Dominus eo loco minus significat, quam nomen Deus, a quo manifeste distinguitur (eum enim significat, qui nobis dominetur non ex seipso, sed ex alio, & per quem, non autem ex quo, aliquid in nos derivetur, ut ex ipsius Apostoli verbis apparet) idcirco nulla prorsus ratione potest Christus in divinitate illa Patris supra exposita essentialiter (ut ita dicamus) includi. immo, ab ipsa secundum rationem istam excludatur, necesse est. Si dixerit (exempli causa) civitas aliqua, cui gubernande Rex unum quempiam tantum nominatim praefecerit, sibi unum tantummodo principem esse, itemque unum gubernatorem, rectissime locutus fuerit. Nec tamen vel Rex per praefectum illum civitatem istam non gubernabit, vel ille gubernator civitati princeps erit eadem ratione, qua Rex ipse est. Adde, quod, si diligentius res expendatur, quae ratione Christus a divinitate illa Patris excluditur, eadem Pater a Christi dominatione illa excludi dicendus est. Nam, quemadmodum Christus non est Deus, ex quo omnia, sic Pater non est Dominus, per quem omnia. Immo, dicent isti. Scriptum est enim de Deo, quem vos Patrem tantum esse contenditis. Quoniam ex ipso, & per ipsum, & in ipso sunt omnia. Et alibi legitur. Decebat enim eum, propter quem omnia, & per quem omnia, &c. Vbi non dubium est, quin de Deo Patre

Rom: 11. 36.

Heb: 2. 10.

verba

verba si.
& quid
tibus ve
& emer
tationis
stulat,
Verum
per Pat
Deum,
existim
men, u
ipsis in
psum qu
ipsa, pe
eog, om
Sed, cu
stus is e
instrum
sensu n
omnia.

3.

sita sit v
us, aqu
vita et
trem n
ris cog
tam et
cum P

4.

dem F

verba fiant, quidquid aliter nonnulli visum fuerit, & quidam Latini codices suadeant, qui in sequentibus verbis contra fidem Græcorum exemplarium, & emendatorum Latinorum, ac Syriacæ interpretationis, immo contra id, quod locus ipse omnino postulat, non Consummare habent, sed Consummari. Verum sciendum est, alio sensu dici, per Deum, seu per Patrem esse omnia, & alio per Christum. Per Deum, seu per Patrem dicuntur esse omnia, ne quis existimet, ex Deo quidem omnia esse, sed ita tamen, ut vel operandi instrumenta aliunde petat, vel ipsis instrumentis uti necesse habeat. Itaque, per ipsum quoque esse omnia, significat, & instrumenta ipsa, per que aliquid operatur, ab ipso proficisci, ab eoq; omnem vim suam sumere, nec ipsi illi opus esse. Sed, cum dicitur, per Christum esse omnia, tunc Christus is esse affirmatur, per quem Deus, tanquam per instrumentum, omnia in nobis operetur. Atque hoc sensu nullo modo Pater est Dominus, per quem omnia.

3. Quare si) Quamvis in cognitione Christi posita sit vita æterna, non tamen est Christus verus Deus, æque ac Pater. Propterea enim, Christo cognito, vita æterna habetur, quod, qui Christum novit, Patrem novit. nec sine Christo, ejusq; cognitione, Patris cognitio haberi potest. Hancq; ob causam ad vitam æternam consequendam, Iesu Christi cognitio cum Patris cognitione, ab ipso Christo conjuncta est.

Ioh: 14. 9.
Mat: 11. 27.
Ioh: 17. 23.

4. Et quemadmodum) Non excluditur quidem Filius divinitate Patris, sed ea tamen ratione,

qua Regis praefectus a regia illa potestate, atque auctoritate non excluditur. Caterum, sicuti praefectus Rex non est revera, ita & Filius non est revera ille Deus, qui est Pater. Atque hac ratione, ut diximus, a Patris divinitate excluditur.

5. Ita nec spiritus s.) Ad locos supra allatos satis responsum est. Quod autem ad locum istum at-
 2. Cor. 13. 17. tinet, Dominus autem spiritus est, si nihil ad hanc rem pertinere potest, cum in eo non dicatur, spiritum sanctum esse Dominum, sed Dominum esse illum spiritum, de quo videlicet antea sermo fuerat. Id autem metonymicè dictum est, quia nimirum ab ipso Domino proficiscitur spiritus ille. Non
 2. Tim. 1. 1. secus atque Christus spes nostra dicitur, quia ab ipso spes, quàm vita, ac felicitatis nostrae habemus, proficiscitur.

6. sed neque a danda) Nemo erit, qui neget, spiritum sanctum a danda nobis vita minimè excludi. nam, ut dictum fuit, spiritus sanctus ipsa Dei vis atque efficacia erga nos est. Non tamen huc pertinet locus ille, spiritus autem vivificat, ut isti sunt
 2. Cor. 13. 6. arbitrati. Ibi enim intelligendum est, non alia ratione vivificare spiritum, quàm littera occidat. Atque littera non propria quadam sibiq; insita vi occidit, sed quia, quisquis illi adhaeret, moritur. Quare neque etiam spiritus ille propria quadam sibiq; insita vi vivificare dicendus est, sed quia, quisquis illi adhaeret, vivit.

7. Neque enim) Hoc verum est. Sed non sunt tamen sancta littera sibi ipsis repugnantes. Quocirca,
 cum

cum ee alicubi tradant, nobis unum esse Deum, e- 1. Cor: 2. 6.
 unq; Patrem illum esse, ex quo omnia, & nos in il-
 lum, nullo modo fieri potest, ut alibi tradant, spiritũ
 sanctum esse illum unum Deum, cum spiritus san-
 ctus non sit Pater ille, ex quo omnia, & nos in illum.

ASSERTIO XX.

NUSQUAM quidem literæ sacræ Triper-
 sonatum Deum vocant: (hæc namque por-
 tentia verborum ab Hereticis sunt conficta)
 Sed eadem divinæ literæ ubique testantur
 unum Deum esse, Patrem & Filium & Spiri-
 tum S, ut ex superiorum Thesium plurimis
 testimoniis intellectum est.

ANIMADVERSIONES IN

Assertionem XX.

I. hæc namque) Si heretici sunt, qui ista ver-
 borum portentia ad alios tantum redarguendos con-
 finxerunt, certè hereticissimi (ut sic loquamur) ex-
 istimandi sunt illi, qui rerum ipsarum monstra, que
 in verbis significantur, ad veritatem obruendam ex
 proprio capite confinxerunt. Vide, que scripsimus
 Assertionem 16. numero 3. & Assert: 17. num: 1. & 3.

2. Sed eadem) Immo divina littera ubique te-
 stantur, unum Deum esse, Patrem domini nostri Ie-
 su Christi, nec alium esse præter illum, ut ex jam
 examinatis testimoniis quilibet conjicere potest, &
 sine dubio deprehendet, quisquis sacras litteras, o-
 mni præjudicio remoto, non oscitanter perlegerit.

ASSERTIO XX.

IAM verò qua fronte audent isti tam perti-
 naci-

- naciter asseverare, nullam filii Dei in veteri Testamento mentionem fieri? cum ipse Apostolus tot tamque antiqua testimonia in ea Epistola, quam ad Hebræos scripsit, de Domino nostro explanet? Sic enim ait: ¹ Cui enim dixit aliquando Angelorum: Filius meus es tu: ego hodie genui te? &: Ego ero illi in Patrem: & ipse erit mihi in filium. & cum iterum introducit primogenitum in orbem terræ, dicit: Et adorent eum omnes Angeli Dei. Et ad Angelos quidem dicit: Qui facit Angelos suos spiritus, & ministros suos flammam ignis: ad filium autem: Thronus tuus Deus in seculum seculi: virga æquitatis, virga regni tui. Dilexisti iustitiam, & odisti iniquitatem: propterea unxit te Deus, Deus tuus oleo exultationis, præ participibus tuis. &, Tu in principio Domine terram fundasti: & opera manuum tuarum sunt cæli.

¹ Heb: 1. 5. Ibidem.

ANIMADVERSIONES IN

Affertionem XX.

I. Iam verò) Isti ipsi fatentur, a nostris concedi, in veteri Testamento filii Dei mentionem tunc fieri, cum Christus Dominus predicatur ex hominibus nasciturus. id nimirum fatentur isti supra Affertione 16. (de quo, quid sit, vide ibidem numero 4. explicationem nostram) & tamen hic eos nostris obijcere non pudet, quod, nullam fieri in veteri Testamento filii Dei mentionem, pertinaciter asseverent. Itaque suo ipsorum testimonio hac in re graviter calumniati fuisse deprehenduntur.

2. Cui enim) Hoc testimonium ad Christi resurrectionem referendum esse antea docuimus, Assertionem 2. numero 2.

3. & Ego ero illi) Hoc verò ad filium aliquem, qui jam esset, nedum qui ab aeterno fuisset, non pertinere, verba ipsa aperte indicant, in quibus de futura (ut ita loquamur) paternitate, futuraque filiatione agitur. Itaque ex eo non modò non probatur id, quod isti volunt, vel potiùs, nisi calumniari pergant; velle debent, verùm etiam sententia nostra de Filio Dei, quòd, antequam ex Maria nasceretur, non extiterit, haud mediocriter confirmatur. 2 Sam: 7. 14.

4. & cùm interim) Hinc porrò manifestum est, Filium Dei, de quo testimonia citat Apostolus, & hominem fuisse, & tamquam hominem ab ipso, nec extra hominem consideratum esse. Quandoquidem omnino tamquam homo, primogenitus ille in orbem terrarum introductus fuit, praesertim, cum iste orbis terrarum sit ille nobis futurus, de quo, (ut ipse ait) Apostolus loquitur. Heb: 1. 6.
Heb: 2. 5.

5. ad filium autem:) Dum sine ulla causa querunt isti, ut in Testamento veteri filii Dei mentionem fieri ostendant, ea testimonia asserre pergunt, quae in universa hac disputatione nostra ipsis maximè adversantur. Ex hoc enim testimonio, Christum & ea ratione Deum esse apparet, quâ res creata deus esse potest (de Salomone enim primùm ista omnia dicta sunt) & tamquam deum, seu quatenus deus est, deum suum habere, ab eoque praesuis consortibus ungi. Ex quo etiam satùs perspicuum est, Psal: 45. 6.
&c.

in loco isto de nullo Dei Filio, qui homo non sit, vel aliquando homo non fueris, verba fieri.

Heb: 1. 10.

Psal: 102. 6.

&c.

2 Cor: 15.

26. &c.

Phil: 3. 21.

Psal: 97. 7.

6. & Tu in principio) In his verbis vel Apostoli ad Deum apostrophe est, ut non pauci ex nostris visum fuit, non autem de Dei filio testimonium aliquod, quod ipse afferre voluerit: vel testimonium quidem de Dei filio est inter alia antecedentia numerandū, que ibi Apostolus attulit, non tamen quia verba ad ipsum Filium dirigantur, aut de Filio in ipsis, præcipuè agatur, sed quia ù locus vaticinationem continet de re ad Filium quoq; pertinente, & ex qua Filii summa præstantia elucet, quâ angelos antecellit, id quod sacri testimonii confirmare, apostolo, ut ex v. 4. apparet, propositum fuerat. Continet nimirum ù locus vaticinationem de mundi huius aspectabilis abolitione, & horum seculorum in alia præstantiora mutatione. Iam verò hac per Filium in ejus postremo adventu fient. cui hoc a Patre datum est, ut ipse sit, qui mortalitatem penitus aboleat, & suos vite sempiternæ atque celestis præmio afficiat, simulq; calos, qui nunc sunt, & terram unâ cum impiis in die iudicii perdat. Vide 2 Pet: 3. Quamvis igitur in Psalmo mundi huius abolitio: atque mutatio Deo ipsi tribuatur, nec filii Dei ulla mentio aperitæ fiat, tamen quia Deus non nisi per Filium suum illam facturus est, propterea ad Filium vaticinatio ista ab Apostolo merito accommodatur. Nam suprâ quoque ad Filium testimonium illud accommodavit, adorent eum omnes angeli Dei, idq; in primogenito in orbem terrarum introducenda

do di
stimo
ejus
at, &
rantu
regno
Iesu C
in ori
illum
impe
rant.
ab ap
prin
man
aliqu
tanqu
anim
ista q
in tes
omni
cali i
quoq
nii a
ab ip
recit
lit.
aut
cui
qua
qui

do dictum fuisse ait. cum tamen in Psalmo, unde testimonium illud petatum est, nulla aperta Filii Dei, ejusve in orbem terrarum introductionis mentio fiat, & verba illa ad ipsum Deum ibi manifestè referantur. Nempe quia locus vaticinationem de Filii regno continet, atque adoratio illa Deo tribuenda Iesu Christi personam respicit, in quo, & per quem in orbem terrarum introductum, id est in mundum illum inaspectabilem, in ejusq; possessionem atque imperium missum, ipsi angeli Deum adoraturi erant. Nec verò quemquam moveat, quòd in citato ab Apostolo loco nostro ea verba habentur, Tu in principio Domine terram fundasti, & opera manuum tuarum sunt celi, quæ nullo modo rem aliquam futuram significant, nec ad Dei Filium, tanquam hominem, accomodari possunt. Namque animadvertendum est, Apostolum necesse habuisse ista quoq; verba recitare, ut ea intelligerentur, quæ in testimonium adducere volebat. Pendent enim ea omnia ex istis per nomina relativa, quibus terra & celi in ipsis non nominati significantur. Itaq; ista quoque attulit, ut, qua de re in verbis ipsius testimonii ageretur, percipi posset. Cumq; necesse habuisset ab ipso initio locum recitare, ad finem etiam ejus recitationem perduxit, & integrum prorsus attulit. Hoc dicimus propter extrema verba illa, Tu autem idem es, & annitui non deficient, si cui fortasse videretur, ea ad Filii personam, tanquam hominù, minimè accomodari posse. Nobis quidem secus videtur, & dicimus, in illis sempiter-

Pf. 102. 270

num Iesu Christi regnum significari Non est simi-
liter, cur quis de interpretatione nostra dubitet, quia
anteceſerint verba illa, Ad filium autem, ex qui-
bus videlicet appareat, Filium eſſe illum, ad quem
hujus teſtimonii verba dirigantur, quemadmodum
Filius eſt ille, ad quem verba proximè ſuperioris te-
ſtimonii, quod ſtatim, ut hoc, poſt verba illa, Ad Fi-
lium autem, conſequitur, diriguntur. Nam Ad
Filium autem (ſubaudi, dicit) non ſignificat, I-
pſum Filium alloquitur, ſed de Filio loquitur. Patet
hoc ex ſuperiorib^o illis verbis, Et ad Angelos qui-
dem dicit, que non cum ipſis Angelis, ſed de An-
gelis verba fieri ſignificant, ut ex loco ipſo, qui reci-
tatur, apparet, Qui facit angelos ſuos ſpiritus,
& miniſtros ſuos flammam ignis. Vbi etiam
non precipuè de ipſis angelis, ſed de Deo eſt ſermo.
Ceterum diſſimilitudo inter hoc, & ſuperius teſti-
monium nihili facienda eſt, non ſolum quia ſatis ſi-
milia ſunt, ſi in utroque aliqua ratione de Filio a-
gatur, verum etiam quia Apoſtolum ejuſ rei nullam
rationem habuiſſe conſtat. In ipſo enim aſſerendo-
rum teſtimoniorum initio ait, Cui enim dixit a-
liquando angelorum, filius meus es tu, ego
hodie genui te? Vbi nemo non videt, citati teſti-
monii verba ipſi Filio dicta fuiſſe, ut præſatus Apo-
ſtolus fuerat. & tamen illico addit, Et rurſum, E-
go ero illi in patrem, &c. cujuſ teſtimonii verba
ipſi Filio dicta non fuiſſe, certiffimum eſt.

ASSERTIO XXII.

PLURIMAS adverſarii ſolent nominare
ſcri-

Pſal: 104. 4.

scripturas, quibus Christum verum esse hominem docent. Sed eas nominant, ut fucum suæ causæ faciant: volentes multitudine testimoniorum superiores videri: & in iis suum ingenium ostentant, quæ, non minus à nobis, quàm ab illis stant: qui ut Christum, Dominum verum Deum esse affirmamus: ita & verum hominem libenter cum D. Athanasio profiteamur, ut sit Christus Dominus perfectus Deus, perfectus homo ex anima rationali, & humana carne subsistens.

ANIMADVERSIONES IN

Affertionem XXII.

1. ut fucum.) Immo ut fucum removeant, quem isti, eorumq; magistri rudioribus facere solent. Nam, si Christus verus homo est, ut verus atq; æternus Deus æquè ac Pater sit, fieri nullo modo potest, etiamsi alioqui plures personæ in una Dei essentia esse possent, ac proinde distinctio illa Personæ & Essentiæ simulq; Idiomatum communicatio illa (quibus duabus rebus, licet manifestè partim falsis atque ridiculis, partim nullum hic locum habentibus, veritati velum quoddam obtenditur) planè admittenda essent.

2. & in iis) Nondum videre possumus, quenâm ingenii ostentatio esse possit in suadendo rationibus. q; præterea, si opus est, confirmando, eum, qui verus homo sit, id est res creata & naturâ mortalis atque caduca, æternum simul Deum, id est rem increatam & naturâ immortalem ac sempiternam esse non
pos-

posse. Nam quis tam debet aut rudis est, qui, si animum adverterit, id ita se habere, perspicue non cernat, & aliis aperte demonstrare non queat?

3. quæ non minus) Quomodo verò? Nam ex eo, quod Christus sit verus homo, in speciem saltem probatur, eum non esse æternum Deum, quemadmodum isti affirmant: nulla verò profus ratione ex eo ipso concludi potest, eum esse æternum Deum, quod nostri negant. De hoc enim inter utrosq; disputatur, non autem de eo ipso, utrum Christus sit verus homo, nec ne.

A S S E R T I O XXIII.

- I. A C T O R: 2. Petrus loquitur: Certissime sciat ergo omnis domus Israel: quia & Dominum eum, & Christum fecit Deus hunc Iesum, quem vos crucifixistis. Sed intelligere oportet, Christum secundum naturam divinam factum non esse: sed potius illum esse, per quem facta sunt omnia. Secundum vero humanam naturam factum esse concedimus, Rom: i. *Qui factus est ei ex semine David secundum carnem.* Et quidem multò ante Resurrectionem factum eum esse C H R I S T U M, id est, Regem & Dominum secundum naturam humanam, firmissimo argumento sunt hæc divina testimonia: *Vbi est, qui natus est Rex Iudeorum?* & *Vnde hoc mihi, ut veniat mater Domini mei ad me?* Alioqui quatenus Deus, semper erat Dominus omnium. Postremò adversarii hoc verbum Dei aperte adulterant: Nam cum nusquam ha-

habeat scriptura filium Dei esse factum Deum: (Absit enim ut factitium eum Deum credamus) ipsi tamen hunc locum ita interpretantur, quasilegerent, *Deum fecit, & non Dominum eum, & Christum fecit.*

ſ. *Matth: 2. 2. t. Luc: 1. 43.*

ANIMADVERSIONES IN

Assertionem XXIII.

1. Actor: 2. Petrus) *Locus iste a nostris non idcirco allatus fuit, ut probaretur, Christum, id est illū qui Christus est, fuisse factum, sed ut demonstraretur, Iesum Nazarenum, quā Dominus & Christus est (eoq; Deus, ut postea ostendemus) non semper extitisse, sed factum aliquando a Deo fuisse.*

2. Et quidem) *Non negamus, Iesum Nazarenum etiam ante resurrectionem Dominum, & regem aliqua ratione factum fuisse. Iam enim ingente potestate ac virtute præditus erat, & primitiis quasdam sui dominatus, suiq; regni habebat. Verum tamen interim re ipsa dominationem, & regnum suum, quippe ad quod prævia violenta morte perventurus erat, adeptus nondum fuerat. Nec satis sanè mirari possumus, quemquam esse, qui hoc negare audeat, cum tota scriptura id apertissimè testetur, præsertim verò locus a nostris allatus, in quo disertis verbis scriptum est, eum Iesum Nazarenum, quem Iudæi crucifixerant, Dominum & Christum a Deo factum fuisse. Nam, postquam crucifixus fuerat, & ita ante resurrectionem, id Deum fecisse, & ipsa allata verba satū indicant, & totus locus apertè*

Luc: 24. 26

Act: 2. 34

perrè

pertè demonstrat, in quo potissimum de Iesu Nazareni resurrectione agitur, quâ, & simul eâ, quæ per ipsam secuta esset, ejusdem Iesu exaltatione expositâ & confirmatâ, tandem ita in prima illa concione, quam ad Iudeos habuit, concludit Petrus, Certissimè sciat ergo omnis domus Israel, quia & dominum & Christum fecit Deus hunc Iesum, quem vos crucifixistis. Et tamen audent isti asserere, filium Dei, etiam secundum humanam naturam multò ante resurrectionem Regem, & Dominum fuisse factum. neque hoc testimonium interea ab iis, qui contrà sentiunt, aliatum ullarespon- sione dignantur. Nam quæ ipsi testimonia asserunt, in quibus Iesus ab ipso ortu rex Iudeorum, & Dominus appellatus est, nullius planè sunt ponderis. Nemo est enim, qui nesciat, ea, quæ vel ex Dei singulari aliquo decreto, vel alia quacumque ratione certò futura sunt, tamquam presentia haberi, ac dici. præsertim verò, si futurae qualitates sint ejus rei, quæ jam ipsa adsit. Exemplum, ne longius abeamus, esto in eo testimonio, quod isti Assertionem secundam ad idem, quod hîc, probandum ex Luca citant, Natus est vobis hodie salvator, qui est Christus Dominus. Nam ex Mattheo liquet, Iesu nomen, quod a servando seu salvando ductum est, idcirco Dei filio ab ipso ortu inditum fuisse, quia in salvum facturus esset populum suum a peccatis eorum, Non igitur adhuc revera salvator erat, cum natus est. alioquin, ut Iesu nomen illi conveniret, non opus fuisset ad id, quod futurum erat, respicere. &

Luc: 2.
 11.

Matth: 1.
 21.

tamen

tamen jam tum disertè Salvator appellatur. Ratio est, quia jam decreverat Deus, ut Salvator esset.

Quinetiam in altero testimoniorum, quæ hic citant, Maria Christi mater vocatur, cum tamen adhuc eum non peperisset, & sic revera ejus mater nondum esset. nempe quia mox certò futura erat. Cùm Samuel missus est a Deo ad ungendum unum ex filiis Isai, inter quos sibi de rege prospexisse Deus dixerat, simul atq; Eliabum vidit, qui unus ex illis erat, decoro aspectu, & staturâ corporis procerâ, dixit,

1. Sam: 16. 7.

Nam (seu Certè) coram Iehova Christus ejus est? putans eum esse, quem Dominus elegerat. Itaq; Christum Iehove illum vocavit, non quòd jam esset, sed quòd omnino futurum arbitraretur, & ita Deum jam decrevisse, sibi persuaderet. Vide autem, ut istorum errorem clariùs perspicias, quæ scripsimus Assertionè 2. numero 5. quibus alia multa adjungi possent, sed his contenti esse volumus.

3. Postremò adverstarii) Quin potiùs apertè calumniantur isti. Nemo enim ex nostris ait, scriptum ibi esse, Iesum Deum fuisse factum, sed, ut isti ipsi fatentur, ita locum interpretantur, ac si id ibi scriptum esset. Itaque falsum omnino est, eos verbum illud Dei adulterare, etiamsi in sua interpretatione fallerentur. Cujus interpretationis ratio hæc est, quòd, cùm Dei nomen Christo in sacrè litteris alicubi tributum, sit nomen (ut vocant) appellativum, quod dominationem, & benefaciendi vim aliquam insignem & planè divinam significat, hæc autem Domini, & Christi appellatione illi passim

E

astri-

attributâ prorsus contineantur, certè, si scriptum est, eum dominum & Christum fuisse factum, intelligere oportet, Deum quoque eundem factum esse, & si non ante revera Dominus & Christus factus esse dicitur, quàm a mortuis revixit, non ante quoque Deum factum fuisse, concludendum est. Præterea isti ipsi Assertionem s. ex eo, quòd Christus in sanctis litteris Dominus esse doceatur, Deum illum esse non obscure contendunt. Cur ergo in aliis id tantopere vituperant, quod ipsimet faciunt? Adde, quòd nostri rectè ex facto domino & Christo Deum factum colligunt, si vel ex sola Domini appellatione, ut ab istis fit, Dei quoque appellationem colligere licet. sed perperam ex eadem Domini appellatione colligunt istam naturam divinam, de qua sine dubio in Assertionem illa quinçta agebatur. Potest enim quis Dominus esse non naturâ, sed Dei gratiâ. ut certè Iesus est, cum disertis verbis scriptum sit, eum a Deo Dominum fuisse factum. Postremò, ut, quàm iniqua istorum reprehensio sit, apertius constet, sciendum est (ni fallimur) & Hilarium lib. 5. de Trinit. & Ambrosium lib. 1. de fide ad Gratianum, fecit eum deum & Christum, in Petri verbis leger.

ASSERTIO XXIV.

- AD extremum quod ad divinitatem Spiritus S. attinet, libenter damus adversariis, Spiritum sanctum esse donum & virtutem patris. Sed hoc donum & hæc virtus est tertia divina persona: quæ dividit alia dona singularis prout vult. ^u Nec mirum cuiquam debet videri,

videri, Spiritum divinum donum vocari, cum ipse etiam Filius sit donum Patris. Sic enim de eo ait Propheta: *Parvulus natus est nobis: & filius datus est nobis:* * ita ipse quoque Filius nominatur virtus Patris. Sic namque ait Apostolus, *et Nos autem predicamus & Christum Dei virtutem, & Dei sapientiam.* Quamobrem merito Spiritus S. donum Dei & virtus nominatur. Nam & gratis donatur: & profus divina in nobis operatur.

*1. I Cor: 12. 11. * Isai: 9. 6. 2. I Cor: 1. 24.*

ANIMADVERSIONES IN
Assertionem XXIV.

1. libenter damus) *Non potest istud concedi, quin simul concedatur, spiritum sanctum non esse Deum aequè ac Patrem. Semper enim donum & virtus, ipso donante ac virtute pradio, inferius quiddam est.*

2. Sed hoc donum) *Cum istud probaverint, tum nos errasse confitebimur.*

3. cum ipse etiam) *Ista ad confirmandum, non propterea spiritum sanctum non esse personam, quia donum & virtus Dei nominetur, aliquid fortasse valere possunt. Constat enim, filium Dei personam esse. Sed ad divinitatem spiritus sancti, de qua hic agitur, adversus rationem istam tutandam nihil valent, cum ne in ipso quidem Filio divinitas ista nostris agnoscat. Quare principium, ut solent, petunt isti. Neque enim de persona, sed de divinitate tantum spiritus sancti hoc loco mentio facta est.*

Iſa: 9. 6.

Præterea animadvertendum est, etiam si possit Filius donum Patris vocari, non tamen eo nomine in sanctis eam litteris disertè appellari. Nam locus, quem isti citant, filius datus est nobis, non aliter quàm per interpretationem id continet, eamq; valde dubiam. Siquidem, filius datus est nobis, ita intelligi potest, ac si dictum fuisset, Rex datus est nobis. Populi. n. Dei rex, seu Christus, filius Dei, & Filius simpliciter appellatur Psal: 2. 7. & 12. Dare autem regem, non est regem ipsum, sive illum qui rex est, donare, sed regem præficere ac constituere. Alii autem erant loci isto aliquantò aptiores ad id, quod isti volunt, probandum, quibus tamen numquam efficietur, ut filius Dei æquè propriè donum ipsius Dei vocetur, atq; spiritus sanctus vocatur.

4. Virtus Patris) Immo Dei, ut ipsum prolatum testimonium habet. Quamquam enim idem est Pater, quod Deus, quemadmodum idem est Filius, quod Christus (& propterea allatum locum, in quo non Filii, sed Christi mentio fit, ad rem hac in parte facere concedimus) tamen, quia istis non idem est, & si Filius, seu Christus est Dei virtus, sequitur, ipsum non esse illum Deum (aliud enim est res ipsa, aliud virtus ipsius) idcirco id notare libuit, & fallaciam, quæ in istorum verbis latet, unà cum ipsorum de divinitate filii Dei sententiæ falsitate detegere.

ASSERTIO XXV.

I. Ex his igitur omnibus facillè is, cui oculi sunt, quibus Deus videtur, perspicit, quanto in periculo æternæ salutis omnes ii versentur, qui jam non Indulgentias Ecclesiæ, non Reliquias Sanctorum, non invocationem

Divo

Divo
intol
Sanct
cum
esse T
quod
verfa
causa
liu m
z 2 C
A
de T
quid
re, ve
nent
tur h

I.
cis a
quã
sint e
ejus,
de ea
sunt
cunct
rum
psa, 1
nostr
ipsu
ne n
est, a

Divorum, cæteraq; generis ejusdem: sed, quod longè intolerabilius est, ponentes in cælum os suum, ipsum Sanctum sanctorum DEVM Opt: Max, oppugnant, cum eoq; infelicissimi bellum gerunt: quem tamen esse Trinum & unum tam est necessarium, quàm id, quod maximè dicitur necessarium. Sed quòd hæc adversarii Orthohoxæ Fidei non videant, in promptu causa est: quia oculos fidei non habent. Nam *Evangelium in iis, qui pereunt, est opertum*, inquit Apostolus, 2 2 Cor: 4. 3.

Atque hæc sunt Catholicæ Fidei inexpugnabilia de Trino & Vno Deo firmamenta, quæ adversarii quidem audēt (quid enim non auderent?) oppugnare, vel potiùs ingenio vasto eludere. Sed quam id conentur inaniter, Thesium usitata brevitatis non patitur hic fufius dicere. LAUS DEO.

ANIMAD: in Assert: XXV.

I. Ex his igitur) *Quinimmo ex his, ut suis locis a nobis indicatum est, ipsi cæci videre possunt, quàm monstrosa, sibiq; nulla ex parte consentanea sint eorum, quos isti sequuntur, de Deo, Christoq; ejus, deq; spiritu sancto dogmata, & quid judicandū de ea Ecclesia sit, quæ non modò tales nugæ, quales sunt Indulgentiæ, quas vocant, sanctorum (quæ dicuntur) reliquiarum cultus, eorundemq; mortuorum invocativo, maximo numero vel excogitavit Ipsa, vel approbavit, verùm etiam unius Dei, domini nostri Iesu Christi patris, majestatem minuere, Iesum ipsum Christum dividere, hominiqu; illi ex Maria virgine nato, divinitatem, quæ præditus ex Dei voluntate est, adimere, sanctum deniq; spiritum, ab uno illo Deo,*

cujus spiritus est, cum non distinguendo, tollere, atque abolere, seu prudens, sive imprudens, est ausa.

2. quem tamen) Nihil unquam confidentius dictum fuit. Namque ipsi sensui communi patet, unam tantum numero essentiam tres personas esse non posse, cum necesse sit, ut qualibet persona suam numero ab alia distinctam essentiam habeat, ob eamque rem, ut, ubi tres sunt persone, ibi tres numero essentie sint. Vnum autem tantum numero, tria numero nulla ratione esse posse, si quis est, qui non intelligat, huic certe helleboro est opus.

2. Sed quod hæc) Immo verò, quòd erronei cujusdam spiritus homines ista tam aperta, blasphemata, & ridicula mendacia pro gravissimis divina veritatis principiis Christiano orbi obtrudere, & quavis ratione defendere pergant, ac plerosque adhuc, qui assentiantur, habeant, nil mirum est, cum predictum fuerit, hominem illum peccati, filium illum perditionis, venturum in omni seductione iniquitatis eius, qui pereunt, quibus missurus esset Deus operationem erroris, ut crederent mendacio.

Atque ex his in istorum Assertionibus Animadversionibus nostris satis perspicuum esse arbitramur, quam non modò infirma, sed nulla sint illius de trino & uno Deo opinionis fundamenta. quæ tamen adversari omni conatu stabilire student. Sed frustra nimirum id conantur. Namque necesse omnino est, ut in dies magis appareat, ac confirmetur, illum unum Deum, dominum nostrum Iesum Christum patrem tantum esse. Ipsi in Ecclesia per eundem Iesum Christum sui honor, gloria, imperium & nunc. & in omnem æternitatem.

Thef:
C. 10, 11.

Cap
18

3

32

16.

7

2

48

5

6

7

9

48

7

22

2

3

Loca scripturæ explicata vel ex parte illu-
strata.

Genes:		
Cap: Ser:	pag:	
18	2	68.
	3	38

Exod:		
3	14	68.

Deuteron.		
32	7	40.
	12	73.

1. Samuel.		
16.	7	89.

2. Samuel:		
7	14	81.

Pfalms:		
2	7	34, 52, 53, 81.
48	6,	81.

Proverb:		
5	22, 23	33.

Esaia.		
6	3	40.
7	14	41.
9	6	92.
48	16, 17.	41.

Ierem:		
7	4	41.
22	29	41.

Malach:		
2	10	53.

Marth:		
8	21	88.

Cap: Ser:	pag:	
28	19	44

Lucæ.		
2	11	88

Iohan:		
1	1	55
4	24	58.
8	58	35.
10	50	63.
14	16	44. 64.
	26	44.
15	26	44. 64.
16	14, 15	64.
17	3	70 & seqq: 77.
20	17	53, 54.
	28	56.

Actor:		
2	33	64.
	36	86, & seqq.

Roman:		
1	16	33.
8	15	64.
	32	34.
11	36	76, 77.

i. Cor.		
1	24	31. 12.
3	16	60.
6	19	160.
	20	61.
8	6	75, & seqq:
		9. 6

Cap. Ser. f. pag.

9 6 73.

12 4, 5, 6. 45.

2. Cor:

2 6 78.

17 78.

Galat:

6 63.

Ephes.

4 4, 5, 6 45.

1. Timoth:

1 1 78.

Hebr:

1. 5 34.

Cap. Ser. f. pag.

6 81, 82.

7 84.

8 84.

10, 11, 12. 82, 83 seqq.

2 5 81.

10 76, 77.

1. Iohan.

5 7, 8 69.

20 55.


Apocal:


1 4 69.

8 68, 69.

Monendus videris, lector benevole, numeros paginarum ex editione secunda, in qua hoc opusculum aliis fuerat annexum, in hanc, errore quodam irrepfisse.







Biblioteka Jagiellońska



stdr0009417

